

兩浙輶軒錄補遺

兩浙輶軒錄補遺卷六目

周旬 查鳴昌 沈開勳 潘亮 張宏範

高澍 高沆 施榮 鮑倚玉 鮑倚雲

徐昫 姜廷舉 陳豹奇 唐虞 唐應焜

濮啟元 徐嗣曾 孫效曾 蔡履元 徐天驥

董揚 孔升 張世昌 鍾之樞 朱際昌

鍾城 朱奎揚 嚴吐鳳 葛豐 沈源

冀洪 冀茂基 周景琦 查昌禧 鮑詢

袁梓 項夢和 陳樽 鍾式欽 汪又辰

吳鎖 陸勤棻 姜埴 諸葛誥 余鶴年

溫鶴立 陸費輝 王學淳 徐燾 杜鈞

李秉 馬學乾 俞瀚 姚琮 胡開昌

徐掄元 吳高增 仲蘊槃 徐元 潘斌

姚宗璜 朱霖 趙大槐 戴永槐 沈懋發

沈生之 楊炯 周湘 陳雲駿 沈維臺

沈樞元 王承鉞 徐崇奎 吳壽昌 沈晨

徐煥 陸有仁 蔣泰來 陳琴川 祝振

顧一清 閔思誠 吳震起 汪師會 唐雲書

施燾 舒毓楓 孫麗京 朱超之 嚴步會

閔惇大 閔思毅 景江錦 汪秉忠 嚴國政

陳璘 關洵 嚴應霖 錢選 童應復

徐育和 徐燾 夏載華 朱鴻緒 汪如藻

徐志鼎 王文灼 邱民表 汪竣 潘華

楊引恬 俞鈞 陸韜 徐師愈 倪廷燁

俞永升	查景程	元	計士增	潘尚仁
戚維梅	徐有常	金忠淳	蔣寅	費融
吳宗元	成熿	孫關本	謝慎餘	朱珏
鄭廷臯	戴昌基	楊繼會	張廷桂	沈沛興
陶韓	胡學子	鍾洪	朱言然	譚學藝
江城	戈律	葛慶會	孫文	沈仁昌
李玉如	張柯	楊煥緯	陳湜	支世淳
陸烜	倪文楷	汪錕	褚震世	張師範
朱穎	何瑋	汪鎬	汪鐻	陳聖傳
董啟延	王文選	盧翰	談潮	李裕
潘兆新	周茂樞	王大經		

兩浙輜軒錄補遺卷六

周 甸

字鎬瞻桐鄉諸生著嶧山草

曉行

曉起憐行客霜寒髣欲華  
疏星幾點亂殘月一鉤斜  
犬吠知村近山迴覺路賒  
風塵殊未已旅次便爲家

早發亭口鎮

客行中夜起曙色辨微茫  
枯草經霜滑危橋引岸長  
雞鳴多在屋犬吠不離莊  
自笑成何事連旬策蹇忙

查鳴昌

字傳初海寧人乾隆壬午副貢生官山東曹單同知僑居嘉善著萍槎詩草

陳傳經曰萍槎先生行誼甚高所至大著循績晚精內典告歸後杜門參禪人罕得見

江行

日出含羣動江行興灑然  
推篷朝氣爽趺坐遠觀便  
沙影浮

下引車車金不引  
寒水村聲隔莫烟微風吹習習安穩一帆懸

沈開勳

字呂璜號層雲海寧人乾隆壬午舉人官麗水教諭著宜雅堂詩集

揚文孫曰舅氏屠雲先生論詩曰詩貴陶寫性真毋塗澤爲工母餽釘爲博母僻澀爲新先生之詩可見矣尤體工駢

顏魯公銅印歌爲顏衡齋作

紙上簌簌生風雷瞥見魯公銅印雙眉開流轉千春字不濕  
筆力依然勁于鐵見公書如見其人遺物勿論贗與真兒童  
走卒知名姓傳家奚藉印爲證印亦宛如新發硯譬諸草木  
皆堪敬君不見秦朱漢白紛成行相斯史籀體各詳雲烟過  
眼果孰長所重者人非圖章魯公之名真不忘銅也遠勝金  
玉相是宜永爲子孫藏藏之篋行勿輕用得公佳帖識其  
旁

潘

亮

字燭微嘉興人  
諸生著一得吟

幽居

幽居傍巖穴竹裏一茅茨  
峯合天開小林深月到遲  
對花情戀酒枕石夢尋詩  
自喜投閒地羲皇樂此時

張宏範

字倫表嘉興歲貢生著霽陽集

折柳詞

柳絲二月春濛濛千條萬條搖  
東風河梁不繫黃金勒  
灞岸徒纏青玉驄  
玉驄金勒春郊路  
時送離人從此去  
野店荒雞明月老  
繡幃曉夢埋芳草  
萋萋柰若何  
高樓一望江水波  
儘教攀折柔條盡  
免使年年離別多

銅雀臺

玉龍金鳳扶雲霄  
誰其築此當塗高  
燕歌趙舞千嬌嬈  
何如

兩折贈汗錄補遺

卷六

潘亮

張宏範

高澗

二

江東大小喬可惜功成身老矣頭白英雄爲情死七十二窟  
穴狐狸千秋魂魄漳河水燈底分香淚雙下休怪老瞞難割  
捨至今遺址繡荒臺行人猶覓臺邊瓦

高

澍字說霖號菊圃平湖人官陝西靖邊知縣

朱爲弼曰說霖身祖礪山公次子也少有奇志博學多聞補諸生後屢躋鄉闈緣例爲陝西花馬池鹽大使署靖邊有政績修棧道建養老書院卒于官見嘉興府志著有蕭兀齋詩稿

烟草

瑞草味何淡偏於呼吸宜翠筠如共命紅豆寄相思旅館懷  
人夜寒窗覓句時睡餘聊一嚏爽氣沁心脾  
午晴香乍蒸卯飲酒初醒解悶添清韻奇功補內經已噴烟  
作霧還戀火如星對客閒譚久蓮翻舌本青

靖邊官舍書感



關山風雪劇縱橫，獨坐衙齋百感生。  
萬里馳驅違定省，一官落拓困將迎。  
簿書束筭隨時積，肝膽如冰徹骨清。  
欲寄家書猶未得，嗷嗷怕聽夜鴻聲。

高

沈

字蘊冲號秋艇平湖監生

朱爲弼曰秋艇舅祖性孝友仲兄卒于官公時患咯血症聞訃悲痛卽赴靖邊扶輿旋里路經侯家灣崖峻途隘翔絕墮深谷中車馬皆爲齏粉公獨無恙咸以爲得神助云善丹青尤工花卉直逼揮南田詩有浣花居吟稿

硤石道中

睡正酣時促早行，暗登硤道旅魂驚。  
山巖不辨千尋險，穴火遙通一點明。  
漢代英雄畱廢壘，秦時軍帥哭歸程。  
風霜滿目驅羸馬，懷古情深涕泗橫。

重過函谷關

兩浙輶軒錄補遺

卷六

高沈施榮

三

重來巖險地山峻逼人寒入谷青天小分明坐井看

哭二兄

無端同氣分生死往事依依入夢思聽雨鄉園晨貰酒看花  
山署夜題詩昔年兄攝鄜州司馬篆署中杏  
花盛開弟兄吟詩花下甚樂長途憔悴應憐  
我廉吏艱難待訴誰痛哭招魂邊塞遠未知歸骨定何時

出金鎖關

重臨金鎖感年華風景依稀望眼賒屈曲幽崖通古寺參差  
密樹隱人家關心細語深林鳥拂面濃香接路花兄弟當年  
聯轡過譚詩落日馬頭斜

施

榮

字中黃一字春  
闕石門諸生

施尚曰先曾叔祖讀書之暇究心堪輿又精岐黃術嘗  
雪夜有貧家請視不辭嚴寒跋涉十數里并助藥資其  
厚德  
如此

登烟雨樓

泊櫓鴛湖畔同人到綺樓四圍春漲合一片晚霞流日落歸  
飛鳥波平泛釣舟清游興未已此地足勾留

鮑倚玉

字筵船杭郡諸生  
著有筵船吟稿

和三弟薇省韻送其還歙

高樓長笛最牽情喜雨來聽弟與兄千里鄂君畱小住十年  
王約負癡名潛身牖北非關癩結友溪南歙地不用盟春水放  
船秋水到又催離櫓暮潮聲

離聲倦聽總無那纔和詩成又和歌枕上忽愁朝雨滴秋來  
最是夜涼多三更夢醒雞號月一角參橫雁渡河不信異鄉  
佳節近教人依舊黯然過

鮑倚雲

字薇省寄居杭郡後歸本籍爲歙  
縣優貢生著有壽藤齋詩文集

揚秉初曰薇省先生績學敦行著書等身從遊多賢士  
間嗜吟咏感慨激昂皆從至性中流出非僅摭拾風雲  
月露者比

題葩經圖

疲毗慶西成匏尊向秋餞林月滿牆頭扉闔光在眼迺知敞  
廬敞暗雨長苔蘚牛屋雞棲邊妻兒莫閑遣昨來理菅蒯箠  
火互僂俛綢繆及此時惻惻歲已晚時清井稅輕村巷無吠  
犬今夜寢尤甘一夢四體展穩料茅三重風來不我卷

對雪

晨興如靜夜月色乘涼入開軒雜樹明都作玉兒立鳥翻林  
際短人語烟中澀寒深未及凍檐響有時滴霏霏勢漸集晶  
晶光不溼樓高益孤清花溪香可挹飄然思剡中扁舟載瓢  
笠

題唐六如畫

嵐浮翠暖霽色鮮撇波雙槩橫輕烟湛碧沄沄一何麗疑是  
蜀江之水瀦此爲澄川聞道終南最佳處得非有情清渭從  
洄沿孤嶼盤魄瞰江出勢隨楊柳搖蹁躑奇葩怪樹下有鶴  
上有臺殿高參天遊人對岸恐迷路樞指橋外已渡之客如  
飛仙問此果何所魚磬青霄傳不愛古寺講禪誦愛此丹碧  
照耀精廬妍窗櫺四飛揚宛轉濃陰穿崕石散邱壑抱此驪  
龍淵繚垣盡處兩壁削梯磴百疊雲中懸恍如瀑泉飛下一  
千尺耳聞江水同潺潺我生名山未歷一畫圖往往窮天邊  
周南王氣溯岐下策馬不到扶風汧古稱終南名士有捷徑  
須知此地與世隔絕眞無緣山容水態四面好東西筇屐殊  
後先但見去人時復顧來者題名得句誰瑯鐫

答和李馥雙見懷兼傷程楓谿先生作

葉落楓谿後哀鴻久失羣天邊時一哭泉下不相聞死別幾  
行墨神交千里雲寒山枯樹外獨立望夫君

趙夢白先生鐵如意

短轅辭北闕尺鐵柱東林仗此投荒去蕭然味蘖心冰霜天  
路險歌哭成樓深豈爲鳴雞舞牀頭百鍊金

寄伯兄篷船南梁

六年揖別隔江村夢繞天涯好弟昆同守研田憂蚱蜢幾時  
鄉社約雞豚伯鸞滅竈孤烟冷王粲登樓白日昏苦調商聲  
君聽取三巴峽口似聞猿

逍遙堂上子由詩風雨傷神古別離病鶴渡江艱旅食怪鴟  
鳴屋亂鄉思一門大抵嗟黔婦三載重教哭幹兒傳語春令

多急難壞巢秋葉費撐支

未了心情是白華妻孥何必怨無家半間茆屋怪秋燕百丈  
地松楸起暮鴉遺殯屏風遮慘澹裊梅雨打橫斜報君有  
婦空房歎何日欣迴客子車

徐

昀

字培元號又次杭郡庠生  
以子煇貴贈中憲大夫

黃模曰又次先生能鼓琴工書法壯年客遊至老返杭  
其自序略云弱冠讀唐人詩愛靈徹虛中及清塞子蘭  
諸方外句如臨老學梳頭春醉釣人扶帶葉捲殘書疎  
鐘搖雨脚出以逸思都成冷趣迄今檢點舊稿深以不  
能希踪  
爲恨云

自題小像

爐火初添香醜瓶花偶插影蕭疎相君倔强全如我只合  
關門抱膝居

京寓除夕

殘臘無多爆竹催天衢車馬鬧如雷看人束帶隨班去笑我  
攜琴作伴來習嬾怕書更帖字破愁頻覆迂寅杯明朝得歲  
休言賀且逐兒曹學賣獸

出雁門關

飲酣重九菊花尊策馬披裘出雁門村落就荒飢犬吠山城  
幾折渴龍奔黃沙戍遠雲千疊白草峯高月半痕道左無人  
哭枯骨我來憑弔賦招魂

臺懷回太原途次作

肩輿破曉畫圖行回首雲山一抹橫東嶺乍明西嶺暗南溪  
相送北溪迎不勝酒力僧畱宿正覓詩題鳥暝晴此去晉陽  
能指數并州可是故鄉城

姜廷舉

字士雄一字古  
城龍游拔貢生



余習曰古民善行草所書碑版甚夥詩稿散佚茲從寺壁抄存

### 遊古招慶寺

挈伴登臨興不窮  
白雲烏石梵王宮  
千尋絕壁開精舍  
百道飛泉接斷虹  
劃几未教酬夙志  
聽琴猶自想高風  
我來憑弔思無限  
滿目寒鴉夕照中

陳豹奇

字武章號菊裳仁和人乾隆壬午舉人官龍游教諭

余習曰菊裳先生性坦易不立崖岸秉鐸龍邱教諸生以勤學立品咸樂從之遊有以文藝相質者無不品題悉當十餘年來邑中文風丕振科名相繼實出先生甄陶云

### 半春詩和友人韻

春風撩亂欲何之  
取次花叢索笑時  
折柳年光風似剪  
賣錫天氣雨如絲  
蠶眠蟹箔剛催婦  
燕啄芹泥待哺兒  
記得從前遊冶興  
酒行湖舫不論卮

唐

虞

字協聞號冠書嘉善諸生著有萃川集

嘉興府志文苑傳唐虞力學敦品槩受其教者皆優於文行性孝友色養六十餘年

遍除

閉門坐對小梅春  
餽歲催逋任比鄰  
莫笑貧家無一物  
今朝贏得是閒身

近況

閑人偏要破除閒  
不是看花便看山  
夜半焚香纔擁被  
又隨清夢到禪關

唐應焜

字新周號棠溪嘉善貢生著棠溪吟稿

嘉善縣志應焜博涉羣籍工詩古文兼長駢體以歲貢遊雍受知于武進劉文定公聲譽頓起庚辰壬午兩中京兆副車十載京華未盡所蘊歸卽閉戶授徒不涉世事至其教本睦族辦黨尤樂道之

初夏

自笑閒來作麼生，窺園聊復寄閒情。  
賣桑鄰舍求書券，下子秋花各記名。  
蛛喜飄絲新竹密，燕貪省力舊巢爭。  
眼前檢點皆詩料，不徑扶藜曲曲行。

濮啟元

字顯仁，號玉巖，桐鄉人。乾隆癸未進士，官廣西灌陽知縣。

汪嘉穀曰：明府官粵西，有惠政，士民感之。後引疾歸，嘗館鹿園，伯父家。余及接其丰采，所著嘉禾百詠、舒雲亭明府序而梓之，謂其斟酌舊聞，寓以風諭，當與竹垞、太史、駕湖、擢歌並傳云。

南湖曲

迢遞去橫塘，煙波渺何許。  
獨自弄清流，空宿鴛鴦渚。  
蓮花何的爍，采采蕩輕煙。  
不識蓮心苦，空將妾比蓮。

徐嗣曾

本姓楊，字宛東，號兩松，海寧人。寄籍江蘇丹徒。乾隆癸未進士，官福建巡撫。著思益山房集。

周春曰：兩松表弟，為少司馬，以齋公會孫舅氏，寓園公子也。舅氏出後，徐氏隸籍丹徒，兩松少失怙恃，年十三自京口來，依季父吟雲公，讀書遂復楊姓，遊寧庠，登巍科，皆吟雲公力也。關右視學報滿入都，始請。

首仍姓徐云

楊秉初曰兩松世父自金沙回籍年甫舞勺所作詩文

已爲前輩激賞時與先君子同塾乾隆甲辰歲迎

駕來寧重訪敝廬手出能夏編及所著詩文集見示歷官三

十餘年如寒素云

楊文孫曰世父兩松公開府閩南時適逆匪林爽文滋

事公渡海籌邊悉心恤撫

天子嘉公成績賜以翎冠畫

紫光閣像御製贊語以策之時有素心蘭詩和者甚衆

### 渡海至臺灣

圓融一碧湖蓬滄極目長波接混茫六氣鼓空帆不動大鈞  
吹萬樂初張蕩胸星斗如飛練回首江河等濫觴也似天門  
臨日觀坐看紅影出扶桑

賦手元虛富採羅誰將巨筆繪洪波跡窮秦漢寧嫌誕才到  
韓蘇不患多九萬里風聊爾耳妙莊嚴性更云何仰瞻

聖量真無際還仗滄溟一寫摩

咏素心蘭

豈獨神清膚亦清  
條條冰向玉壺盛  
澤中卜度幽人履  
室內和歌君子行  
冠珮修能新沐浴  
靡蕪手爪舊衷情  
平生風義誰如是  
脈脈花前自證盟

等是冰肌出藐姑  
梅花先入歲寒圖  
暗香漠漠還能辨  
碧葉珊珊正自殊  
清簟疏簾看雨過  
交荷修竹與風俱  
何如洗淨聰明域  
十丈紅塵到得無

孫效曾

字恂士號蓮盦仁和人乾隆癸未進士官翰林院侍講

楊秉初曰蓮盦癸未會試第一改庶吉士丙戌授編修充國史館纂修戊子晉侍講典試雲南後丁艱服闋甲辰起補原官上書房行走乙巳歸里屢主書院講席嘉慶壬戌以疾卒子五人傳其家學

雜詠後漢書列傳錄三

承宮

孫宏與兒寬鴻漸因羊豕姑幕有承宮寄跡無乃似學成始  
告歸肆力躬剡耜朝右忽聞聲徵車遂強起斷斷吐忠言踰  
踰懲媚士威名一鏗錡傾動單于使雖乏魁壘姿寧事江神  
恥單于遣使求見宮以貌醜請還有捉刀乃英雄未聞飾容  
止莫謂蠻夷中罕識真男子

馮衍

敬通盛文史早歲懷琳琅投閒說廉丹意氣何軒昂走險入  
河中觀釁思騰驤僕射置偏裨生也輕乘障聖漢方隆興蘇  
枯齷齪猖雖免後至誅負俗終斬張結納得從事罷黜歸田  
桑聞昔楚季布餐旗犬吠唐及其漢廷立廉鏑不可當昔爲  
更始用葑菲無相妨曳裾新陽侯得無慙剛強淒涼問交篇  
折骨徒摧傷義直寧見屈蔚宗以光武不用衍爲義直見願  
屈于旣往守節彌阻於將來願

言守孤芳

郭泰

龐鴻析萬類仁誼固所樂異稟有醇醲真精或盤礴相遇得  
其儕若巨魚縱壑東京節義林志士爭依託其間郭有道矯  
矯出羣鶴當時獲品藻餘榮擬豐爵班草太學中衆正咸欣  
躍黨魁際未造紛紛挂罽繳搯痛刑名瞑眩還救藥之子  
獨何篡超然去寥廓明哲申屠生庶幾膠漆約碑版付中郎  
無俾潛光略

題張月路板橋吟詩圖

寂寞溪橋路疎林帶碧潯川途愁晚歲風雪託清吟詩骨寒  
逾健交情別更深月路有懷人詩十首皆同年友也相看圖畫裏流水答遺

音

蔡履元

字梵珠一字梓南石門人乾隆癸未進士官湖廣道監察御史

蔡德淳曰侍御工書有資敬堂法帖十餘種行世

清明

煙艸痕添一徑斜  
山房寥寂亦京華  
路迷語水徒勞夢  
春到清明未見花  
雨過遙岑滴空翠  
絲飄弱柳帶棲鴉  
藥鎖饒有新鑽火  
擬試雲門日鑄茶

古驛

土炕不成眠  
寒雞唱古驛  
催客上疲驢  
殘月荒荒白

徐天驥

字德士一字松塢德清人開厚子乾隆癸未進士官戶部主事著環翠樓遺稿

戴璐吳興詩話松塢同年文弱好學篤于友誼年甫二十感時疾卒無子

自禾中歸舟薄暮

扁舟下苕霅  
渺渺趁斜曛  
鳥影隨帆落  
林煙繞樹分  
寒溪



涵日色碧水曳霞紋獨美操管者漁歌天外聞

董

揚

字游加烏程人諸生有古香齋集

呈對揚叔

胸蟠二十有一史未免老作衡茅士何況小子胸無尺寸書  
此生碌碌同餘子但思縱酒看花樂歲時何用三倉四庫卷  
帙東西峙叔氏亦號飲中仙白眼看人薄青紫飲如長鯨吸  
百川此真達士所爲耳若使摧鋒翰墨場百歲風燈空過矣  
君不見南江元生日嗜古兩漢三唐不離齒登山採玉海求  
珠茫茫藝苑無停晷窮年高趣一牀書半生積血千堆紙淮  
南山下大江西先生游亳州詩文甚多無數煙巒繞十指雄文傑出山  
河驚險語高吟鬼膽褫只今四十八罕知時恐娛親缺甘旨  
吁嗟乎曲高和寡古云然焉用援琴奏流水不如東君架上

百函書烹我庖中三尺鯉共對青山大白浮狂歌豪飲消愁

涕近來尤覺世議隘處處坦途逢棘枳猛火雖云試良玉何

如懷玉不遭燬直須埋身酒國中陶然一醉亡生死杜康立

祠事最佳焦革作配情何美王績事一飲真能累百觴塵事搜

心都不理阮籍劉伶數君子相與把臂連吟醉鄉裏醒來兩

腋清風生羲皇上人莫我比口中流液葡萄酒名香歌仙頌德

無慚泚我家況有山房十數間繞閣梅花廿餘里七世祖薄陽公墓在

光福山墓前有朝元閣橋石淙淙瀉澗泉竹箭森森勝桃李名人載酒

過茲山往往卸鞍停驂前輩汪鈍翁王阮亭諸先生俱有至董墓詩我輩豪情

似古人何不撥除塵務居于此高閣數層足放歌山田百畝

堪耕耔春來釀黍請比鄰酒牀甘滑如流髓君遊醉國自封

侯我亦糟邱堅築壘頽然大醉萬山中千樹鶯啼呼不起

孔

升字南吉一字涵莊嘉興諸生有兩粵紀遊詩

陳傳經曰涵莊年登大壘游覽不倦詩久散佚今從舊雨遺音摘錄一首

山中野步

獨行無伴侶犬吠有人家老樹依山曲荒溪遶屋斜雲深迷古洞籬破雜閒花借問停舟處迢迢路尚賒

張世昌

字振西一字敬坡平湖監生

朱爲弼日敦坡受詩學于曹慈山先生性孝友事詳顧晴沙觀察所撰墓志

勅旌孝子

對景

對景景何幽西風獨倚樓梧桐三徑雨砧杵萬家秋案有騷人賦門無俗客投仰看簷角月倒影入簾鉤

鍾之樞

字星環山陰監生

朱際昌 鍾城 三

俞寶華曰星環十四喪父兩兄將以喪費餘為佛事星環力請為義田學田積數十年有田數十畝族中賴之而越風所載詩亦多真摯殆孝弟人也

### 咏竹和仲兄

竹弱節偏多馨折若知警花落不為秋碧色夏常冷有時不自持翠動意亦靜植者深其根何憂風力猛

朱際昌

字會交蕭山人著有窮工集

### 除夕

此後升沉未可憑逢人遮莫笑模稜恩仇兩字魚腸老笠屨三年馬齒增有恨乾坤磨白髮無知兒女鬧紅燈明朝應寫椒花頌免俗于今尚未能

鍾

城字斗南鶴藤谷石門拔貢生官湖南澧州州判

### 擬陶淵明擬古

佳人值良夜春風溫且和吹笙竝鼓瑟竟夕恒嘯歌嘯歌不  
常有悲歎感人多多謝明明月照此灼灼花美景聚我前爲

歡會幾何

朱奎揚

字南湖山陰人歷官江蘇按察使內轉光祿寺少卿

紹興府志奎揚官淮安開濬北溪河轉糧道濬白茆河

詔特命董其事四旬工畢民便之  
春日舟居

錦纜牙檣跡已陳風光九十逐時新夢中草綠湖南路天外  
霜清塞北春淮海通徐還控豫荆襄抗蜀實關秦邇來別有  
澄源意不向花村向水濱

嚴吐鳳

字起堂一字瓊枝山人烏程歲貢生三禮館纂修官雲南姚安府通判

茅廬奎曰近時吾郡詩伯自同學沈操堂太史逝後首  
數同年嚴海珊有咏明史詩一秩略仿西涯西堂各體  
而其族弟穎臺別駕復仿文通體繼之觀其衡量不苟可與史斷同科

讀楊忠愍公傳

一鸞困公死百鸞嗟禍及十罪五大姦可畏森森筆直欲囊  
嵩頭柰何受斧鑕三尺法可誣杖百更慘慄枷鎖滿城香夾  
道如雨泣殺身以成仁披卷仰崒嶽冰山勢不常轉眼消烈  
日大節垂千秋忠愍允追恤

葛

豐

字禹臯覃子嘉興諸生著陔南吟屋彙

諸錦曰陔南學有淵源以古作者自命性簡傲脫落世故嘗以試事件太守欲禡之訴諸學使何公世璠覆試日命作八學題文片時立就學使推爲一郡冠令入署讀書旋謝去字學顏平原尤好作咏物詩風格雋遠得晚唐筆意

吳門訪惠定宇孝廉

春風吹虎阜綠滿幽人居幽人一無事矻矻但著書見我迎  
倒屣高談雜軒渠疑義析墳典俗學嗤師儒力傳注疏學曠

發章句徒清言與未已花底呼提壺綠蟻斟臘釀紅甲烹春  
蔬何當抱經來問業親起居作詩志嚮往雅願試區區出門  
復回道帶草青扶疎

沈

源字蘊久  
歸安人

聞柝

擊柝嚴城淒復清聽來一一觸離情天街夜靜霜初落繡閣  
燈寒夢未成宵恨短長隨曉箭韻移高下逐風聲座中有客  
歎孤枕歸思驚催白髮生

龔

淇字棗川錢塘諸  
生著讓泉遺稿

龔敬身傳略乾隆壬申春恩科諸名士咸集會城會  
文于某氏園亭裘馬而至者數十人從兄淇衣破衣據  
上坐灑灑數百  
言一座盡傾

贈謝舍人墉集杜

兩折簡軒錄補遺

卷六

沈源龔淇龔基  
古

天子正前席乘時各有人鸞騰坐可致詞翰兩如神通籍踰  
青瑣中間謁紫宸謝庭瞻不遠得土契無鄰

龔茂基

字培元錢塘人著澹若集

汪嘉穀曰培元高隱里門終身不娶從子緡展墓詩有鶴子梅妻林處士竹師水友白香山之句其梗槩可見

月夜觀潮

日落江爲暝風馳水自渾怒濤當夜卷遠岫入雲昏蜃氣連  
霄漢蟾光出海門不教遮望眼天上露秋痕

周景琦

字穉韓錢塘監生

漢川

漢川城郭枕江隄黯黯煙波日乍低我欲倚棹訪神女暮山  
無際楚雲西

查昌禔

字開祖海寧諸生有花南吟草



收菜

菜把自爲供原非賣菜傭蓄會先八月月令仲秋務音菜灌已足三

冬趁得風光好還防力輩慵筠筐攜采晚刷取意從容

鮑

詢

字咸吉平湖人

送樊榭先生歸杭

先生與欲乘歸帆寒宵共聚深杯銜殷勤何物可爲贈花字  
磬口春風緘春風未轉交三九月落篷牕香在手西溪別有  
雪千林一枝還肯寄儂否

袁

梓

本姓章字菴齋錢塘諸生

隨園詩話表弟章菴齋有潔癖好神仙吐納之術自謂可長生而卒不驗佳句云有梅人坐靜踏雪鶴行徐風枝挑五墜石笋引藤纏花香夾路人歸緩水影搖天月上遲俱妙

臺灣秋興

尋壑經邱訪老農，殊方絕域寄孤踪。  
草枯好覓花間路，崖斷難搆鳥外筇。  
瀛海日紅羹沸鼎，島門雲黑石猶龍。  
凌風欲坐浮槎去，直上蓬萊第一峯。

項夢昶

字桐雨，號水村秀水人。

汪嘉穀曰：水村有題畫詩一卷，諸宮贊草廬先生爲序，而梓之稱其古今備體長短互吟縱橫出入方且頡頏。唐宋之題畫諸大家集中并各繫和作亦見一時倡酬之樂。

蘇江臣秋睡圖同草廬先生作

塔前不種紅心草，簷前不語頻伽鳥。  
綺疏日薄水紋皴，篔簹裏秋風紈扇小。  
寒玉無聲懸壁悄，簫局不開沉水裊。  
羅幃魂夢重縹緲，輕比一絲雲窈窕。  
紫塞玉關霜月曉，擣衣寒至征夫早。  
衡陽歸雁經秋杳。

錢鑿室金焦二山圖

焦山骨勝金山肉王阮亭語兩點微茫記昔登一道遞奔巴蜀水  
幾星分閃楚吳燈帆張買舶縱橫飽雲起僧房上下蒸小嶺  
寫來清曠甚修眉了了尚堪憑

文郡博燕子磯圖

橫斜勢欲掠江面風爲闢山根挂魚罾人影小於豆憑欄遠  
望江冥冥蒹葭蒼蒼秋葉零清輝冷翠畧相似多年不上俯  
江亭

陳

樽字酌翁海鹽人乾隆乙酉舉人  
官四川知縣著古衡山房詩集

姑蘇懷古

潮打空城下五湖姑蘇臺上夜啼烏歌殘白紵梧宮冷鑄就  
黃金釣艇孤抉眼忍看終霸越捧心有病已亡吳獨憐魚腹  
刀藏後採藥高風尚有無

兩浙輶軒錄補遺

卷六

陳樽鍾式欽

六

錢塘懷古

強弩三千氣激昂英雄遺業剩錢塘累朝符節方歸命半壁山河揔夕陽不惜金縉安社稷誰從雪窖憶君王興亡轉眼渾閒事蟋蟀秋風夜正長

鍾式欽

字時風號曉崖海寧人閣學蘭枝公第三子乾隆乙酉舉人官直隸獲鹿知縣著硯北詩鈔

俞寶華曰鹿崖年十九卽舉于鄉后宰七閩移知獲鹿一時稱強項吏卒于官葛燈布被蕭然無以欽制府梁公賻之始克舉喪

寄懷耐園大兄萍鄉

爲問衡陽雁平安字有無弟兄千里別風雨一燈孤久關連床樂翻憐薄宦俱何時歸計遂香味共尊鱸

尤溪道中

曉歷羊腸問地名南遊奇絕冠生平萬山圍路聞樵語一徑

入雲多鳥聲人捷似猿穿樹出舟輕如鷁逆灘行鬢烟瘴雨  
尋常事闊嶠天無十日晴

汪又辰

原名鑑字希聲號石秀水人乾隆乙酉選拔貢生

汪嘉穀曰從祖少石明經少與厚石桐石兩兄齊名有汪氏後三子之目天不永年遺稿旋失此作附刻桐石草堂集

### 食笋限韻

千畝篔簹竹饒官笑渭南荒畦春社熟薄飯野人堪雨意初  
蒸菌年光未浴蠶淡中滋味好參向小茅庵

吳

鑽

字聲之號豐山嘉興人乾隆乙酉舉人官湖南乾州同知

陶東籬曰豐山幼得詩法於桑歿甫及仕公餘不廢吟咏有芷江唱和楚南詩艸及燕南艸罷官後歷主聚奎道南巢湖廬陽講席與名公倡和詩益灑脫

### 清明道中作

再斤舊干菜補貴

卷六

汪又辰 吳鑽 陸勤茶

七

車聲軋軋櫓聲輕半載山程更水程忽見家家插楊柳始知  
今日是清明

舟夜

暝色停征棹宵長獨擁衾孤篷一夜雨遊子十年心哀怨隣  
舟笛酸辛少婦砧那堪風浪急并入客中吟

陸勤菴

字絢枝號瓊臺烏程人乾隆乙酉舉  
人官秀水訓導著巢雲書屋詩草

自京口抵金陵感賦

揚舲直溯大江流萬里風烟指顧收極目西來岷嶺秀驚心  
東下海門秋幾回沽酒尋京口一路看山到石頭曾是先公  
持節地自傷卑賤此閑遊

先曾祖曾官  
江南廉訪

題朱笠亭楓江獨釣圖

儂家舊住水雲鄉一棹楓江秋淼茫載得鱸魚歸去好鷗波

亭畔醉斜陽

姜

埴

字象初號介亭象山人乾隆乙酉拔貢生著有介亭詩稿

午涼

山門松百丈日午自蕭森暑入餘芳蔭風來送好音石林清  
客夢雲影冷潭心抱拙耽幽寂爰蒸不可侵

諸葛誥

字鳳銜號六思關鄒人乾隆乙酉拔貢生官河南陝州州判

初見雁

勞人方北去陽鳥更南征萬里同為客相逢暗自驚雲衢吾  
未達江渚爾先鳴梁稻隨緣足羞借野鶩聲

余鶴年

字昂立龍游庠生

余習曰家昂立先生少負詩名嘗與遂安毛時益建德宋丹林兩先生相唱和詩宗放翁屢薦不售尋以病卒

題畫

南山雲起北山寒  
畫雨還攜雨裏看  
寄與蕉窗嬾居士  
昨宵點滴入毫端

溫鶴立

字鶴飛號陂田烏程人乾隆丙戌進士官崇安知縣

和漁洋秋柳

東風嬾娜最堪憐  
更惜寒郊滿樹烟  
細柳前軍悲墮落  
野姿何處尚纏綿  
王孫勝侶來三月  
裘屐風流又百年  
流水棲鴉殘照裡  
有情重到板橋邊

陸費墀

字丹叔號頤齋乾隆丙戌進士官禮部侍郎著枝蔭閣詩集

俞寶華曰頤齋侍郎著枝蔭閣詩集中書旋由傳臚入翰林歷官清秘四庫書籍之役枝蔭閣纂無不與焉故不次超擢甫十年卽至八座平生閱覽博物彙異圖書碑刻纖素過目卽能鑒別所著詩集外尚有經典同文歷代月朔考歷代帝王廟謚名諱譜

朱碧山銀槎歌 并序



吾鄉汪柯亭氏古香樓舊藏物流轉吳門或持以索  
米余因易得之底有文曰槎枻左日至正乙酉年造  
右日子孫永保唇曰岳壽無疆尾有詩曰欲造銀河  
隔上關時人浪說貫銀灣如何不覓天機錦只帶支  
機片石還印曰碧山子一人欹坐樹腔手持一物文  
曰支機並篆書其重不及三鰲實三合許碧山名華  
玉魏塘人見輟耕錄中

廿年不作中山

嘉興薄酒名

醉秋水歸舟自天際田家瓦盆迎人

香得請稱觴歡夢寐瓶山山色月波樓依舊風光上襟袂客  
來示我古酒鎗柯庭所藏碧山製叔柯老樹羽衣仙四百餘  
年留欸識在昔樽開北海翁詩者吾鄉布衣二

竹垞秋錦雨先生竹垞時

未入翰林

人懷鄉物物依人楚弓楚得高詹事同時此器各珍儲

梧桐鄉裏林泉地筵前勝賞足賓朋樓上古香宜位置傳舍  
人間亦幾更盛來玉醴相逢值傾囊易得重摩挲岳壽依稀  
鐘鼎字奉我高堂樂且宜流霞泛灑銀潢氣絕藝珍傳觴詠  
多歲月鈎稽或同異施愚山高念東曹顧菴諸家詩爲宋荔  
裳所藏作厲樊榭徵君詩則在玲瓏山  
館作也魏塘一水鎮東流吳盛爭名總漚寄何況區區一握鏐

吸川遊月逢場戲明當撥棹指天津誰酌醇醪蕩鄉思

王學淳

字莘圃號聽翁仁和人乾隆丙戌進士  
官四川大邑知縣著曉鐘書屋吟藁

讀南宋紀事

恠底愚夫列上台覆車前鑒棄昏埃無端延敵青衣泣又見  
開邊白雁來亡國幾人收碧血窮途有客慟西臺頻看箕尾  
傷籌策獨立蒼茫蜀相才

謂李忠  
定綱

迴首臨安往事遙冬青花落富春潮南枝忠魄懸天日北狩

荒城變黍苗精衛死猶填瀚海杜鵑生未識津橋六陵弓劍  
常朝殿雨打秋燐骨亦銷

徐

燾

錢塘歲貢生

俞寶華曰乾隆丙辰先少宰開府西江重脩滕王閣成徐適在坐爲作詩序彷彿子安序多佳句長不備錄

重建滕王閣紀事

隔岸山巒拱畫樓佳哉傑閣峙雄州靈光匝地今猶古寶氣  
搖天散復收雲鎖渡頭迷過客雨餘檻外濕行舟昆明不盡  
千年劫擬向重霄問斗牛

杜

鈞

字禹和山陰人著霞坪詩存

厲鶚詩序曰禹和工詩文爲老友章對山高弟戊辰訪予於邢江馬氏齋辨論古今星史經傳兵法地志如鐘之遇莛旣讀其詩箋疏泉石吐納烟霞麗不靡而簡有則駸駸乎望劍南以爲趨

春遊和陳句山先生韻

兩折贈軒錄補遺

卷六

徐燾杜鈞李秉

三

晴烟羃羃草芊芊每向春風費百錢酒力易消楊柳岸詩情  
最惱杏花天波迴遠渚魚吹散香爇高枝鳥夢圓一幅研光  
綾似雪濡毫愧和白雲篇

秋夜步月

東溪夜月高潑地如寒雪柴門寂不喧空響餘落葉主人又  
手吟廊圓隨曲折茶鐺烟初生書帷燭漸滅感念壯歲馳坐  
恐朱顏歇願與秋風期刀頭有圓缺

李

秉

字待芸一字  
雪巢錢塘人

陳傳經曰雪巢五律溪上句磬聲寒樹鳥溪影暮歸僧  
入秋句細雨誰傳笛涼燈燭倚樓曉起句樹涼園鳥夢  
窗曙觸蠅癡雨中登高句片雨洗秋碧孤花明夕陽七  
律咏白頭烏句頻啼夜雨春同老縱得和風雪未消臥  
病句窗前鬼嘯燈初蒞鏡裡入愁鬢欲絲遺夏句風曳  
蟬聲盤樹脚日移水影篆檐牙一種骯髒磊落之氣讀  
之想見其人

典鏡詞

團圓一鏡明月光  
妾初歸君子堂  
玉臺並照得幾日  
春風吹君去  
燕市青銅無光  
秋水寒照之  
恐學孤鸞死  
十載潛埋塵土封  
可憐孤負雙盤龍  
睡冷匣中無用處  
付與侍兒姑典  
去臨行攜手愧相囑  
前途好去無悲哭  
郎早歸時伊早贖重  
磨鏡面描蛾綠  
只恐年年風雨傷懷抱  
鏡面依然人面老

寒月

一盤古時水流入碧牕  
紗照我難爲獨經時  
未肯斜寒心倦翠竹清影度梅花  
甚有懷人夢相期天一涯

馬學乾

字行天一字杏里晚自號懷玉山人秀水增貢生著懷玉山人集十二卷弄月軒雜咏若干卷

嘉興府志文苑傳學乾少孤貧無書手鈔以讀

晚遊荆襄間歷掌書院課士有方人爭延之

張問陶傳畧曰杏里師詩文不事雕飾一以自然爲宗先大夫宰山左延至署旣自齊借之楚從父以下兄弟

十數人皆執贄焉問陶年最幼受業最後而所以期望問陶者獨厚憶髫髻初解韻事先生曰此子他日當以能詩名先大夫贈詩云家半薰陶依至教交從患難見真情蓋實錄也

春草和袁太史簡齋韻

吹徧東風柳勝綿頓教草色似年年柔含宿霧香鋪地嫩泛晴光碧映天夢遠西堂詞賦客魂銷南浦別離船六朝舊跡依稀認長板橋頭淺渡邊

寄內

新插柔桑謹護持豆棚瓜蔓莫參差高譚脫帽諸侯座心在籬東過雨時

米鹽瑣細平生慣近課兒曹定苦心莫再爲儂衣竭蹶一裘足禦雪霜侵

答張生問陶

時問陶年十一

爾亦拈詩贈長城築不難須與樓鳳五突兀許人看

除夕

不覺離鄉久今宵又歲除遠懷憑客夢瑣事憶家書燈爛花  
開驟山高斗轉徐兩兒相伴守時章鄰兩兒隨侍欲問意何如

俞

瀚字楚江  
山陰人

隨園詩話楚江久客京師金少農輝薦與望山  
相公公稱其詩有新意卒無所遇賣藥虎邱

閒居

避客常辭病柴門盡日關春風甍凍柳殘雪老青山得句烟  
霞外置身泉石間讀書還就月如對古人顏

獨立

獨立重階下無言客夢遲水流明月亂風靜白雲癡世味閑  
中澹交情貧後知年來得句好多在夜深時

兩浙輜軒錄補遺

卷六

俞瀚姚琮胡開昌

三

春日游西園與慶似村公子小集見惠詩冊賦此酬之  
公子多情孰與儔西園佳勝許同遊梅侵客鬢白於雪竹對  
主人清似秋一卷詩催春勸酒三更夢約月登樓臨風何處  
相思切楊柳深藏不繫舟

姚

琮

字禮黃嘉興人  
著渚亭遊稿

晚至任家港

舍舟就陸共相將差喜歸途省客裝落落筍輿沿野岸蕭蕭  
襪被並書囊夕陽江上山無數紅葉村前鴈一行但乞馬當  
風力便南行渡此卽吾鄉

胡開昌

字稻廬嘉興人著  
野鶴亭集四卷

南湖欸乃曲

江鄉十月釀濃醪竹籜沿流得鱗螯春到竹莊抽紫筍菜花



鱸膾拂霜刀

李熟須從淨相過塘南種藕滿池荷雀來陶氏莊頭美蜆出

梅家蕩口多

徐掄元

字不夜一字南臺嘉興人

陳傳經曰南臺先生爲澄齋伯父師多所指授後客潛沱仿杜陵口號作懷舊詩一卷

秋日懷舊

酒狂詩癖近如何猶有心情戀決科賦罷漢宮三十六不知

春色已蹉跎

周柯雲年七十尚踏省門嘗歲試一日草三十六藝又題七言古詩于卷末當時以狂生日之

柘楠諸體膽才華醉墨淋漓題壁斜更好羊何吟侶在草窗

共剔一燈花

家柘南遷居荷花池北與朱稼翁李景濂兄弟比屋而居倡和甚夥

吳高增

字繼長一字敬齋嘉興歲貢生官都郵知縣

沈椒園傳畧敬齋從歲甫遊秉鐸山陰刊敬齋課士錄爲程式丁卯鄉試獲雋者十六人副貢四人一時稱盛

兩折曾軒綠補遺

卷六

徐掄元

吳高增

仲建業三

秩滿報最擢宰行唐地多沙瘠教以鑿井灌溉勸種紅  
諸謂有十二益刊捕蝗禱雨諸說及庫中吟玉亭集調

邯鄲引  
疾歸

### 寄懷朱稼翁

一代風流在  
高名繼嘯歌  
江濤久相隔  
城市幾經過  
意氣秋  
逾壯詩篇老  
更多曝書亭  
上月夢裏瀉金波

仲蘊繁

字小海一字燭  
亭錢塘歲貢生

隨園詩話燭亭與余同庚兩人初學爲詩彼此吟成便  
攜袖中冒雨欣賞其佳句如月于低處作湖色山漸暝  
時生水烟皆  
瘦硬自喜

### 坐放懷亭

小憩孤亭脚  
江湖入望中  
秋山含暮色  
老樹健西風  
草際自  
蟲語石花成  
晚紅何當吸  
長甕散髮醉  
遙空

### 九日登湖山

年年九月殊方臥得意今來展翠微  
潑眼山光詩骨健感懷  
舊事酒人稀西風貼地催黃葉  
老樹青天送夕暉便有茱萸  
成涕淚臨風未忍插頭歸

徐

元

字甘亭一字一齋舊名育霖布政使聚倫子仁和人歷官福州知府

潘學敏曰太守初知和州地濱江圩田十居其七水高于田賴埂以蔽因立圩長專司築埂預借社穀爲修費秋成官爲徵收不三月而圩埂以固以其暇力修書院置辦田調六安其俗強悍治之寬猛得宜擢閩郡守五年兩護監司皆以清著

鎮淮樓落成

宋寧遺構鎮江關世遠烽烟戍鼓閒  
萬派直趨龍虎域千螺  
亂點楚吳山帆隨南北天無塹  
花發春秋地半殷此日登臨  
感搖落不教好處久成閒

漁邱渡

一劍橫江渡英雄遇亦奇風波吳楚濶恩怨古今悲市上簫  
何處蘆中人可思功成泛舟去明哲想鷗夷

潘

斌字懷邦  
錢塘人

九日偕王廣文簡在遊天寧寺

百家千樹裏一縣萬山中佳節無人問清樽與爾同晴鳩翻  
喚雨霜雁穩排風物色兼秋意楓林鎖梵宮

姚宗璜

嘉興人著竹  
西齋堂等稿

養蠶詞

淨掃窗櫺一室空蘆簾竹箔養蠶工三眠做得西陵法底事  
頻占上甲風

柴門深鎖冷烟蕪鄰舍招邀不用呼占得蠶花十分盛東西  
廂下拜三姑

南湖捕魚詞

湖心牒子輕于葉，湖口漁舸捷似梭。齊向釣鰲磯畔會，不教舉網但空過。

三朝濃霧未晴開，潑刺鮮鱗上水來。船尾扣舷聲正急，船頭起網莫遲徊。

朱

霖字沛，蒼錢塘布衣，著日涉園稿。

塞上

風沙連黑峪，雨雪捲黃河。牧馬晨聽角，征人夜枕戈。孤城隨地盡，一雁冒寒過。定遠封侯日，功名塞上多。

秋思

桂花零落晚風寒，窗靜簾疎夜欲闌。半枕相思千里夢，一輪明月兩人看。

趙大槐

字位公一字介亭錢塘布衣著介亭遺稿

山樓坐雨

日暮凭樓望明湖見一灣秋光多聚水雨氣欲浮山野客披  
蓑立昏鴉接翅還予家南澗下歸去應潺湲

淮上偶成

習習春風吹白蘋客行無計挽殘春長淮一去空流水惟見  
青山不見人

戴永槐

字庭蔭一字秋堂歸安人仁和籍諸生有翠潑齋詩稿

陳焯曰秋堂先生爲余婿瑣大父詩稿皆先生手錄詩  
固跌宕可喜而書法亦酷似文待詔又善畫山水花鳥  
隨意寫之皆超逸有致  
嘗自繪雙柑斗酒圖

同茹天暮俞德賢晚遊湖上作

不到湖亭又幾年偶呼小艇破輕烟林巒晚似王維畫花鳥

春如張旭顛十里紅樓生酒渴一聲清磬落詩禪歸途好趁  
東風便臥聽吹簫和扣舷

沈懋發

字育萬一字  
萍如山陰人

出峽口占

乍聞舟子放橈輕峽出西陵浪不驚昨夜夢魂猶未定櫓聲  
還認是猿聲

沈生芝

字秀君一字  
白顛歸安人

菁山探梅兼遊常照寺用尤左司梅花詩韻

縞袂亭亭互整斜春風早爲破寒芽小橋曲水能容艇細雨  
輕陰正養花索笑南枝依竹外題詩東閣渺天涯杖藜到處  
堪畱戀未羨孤山處士家

楊

炯

字存齋桐鄉諸  
生著南遊草

沈懋發

沈生芝

楊

炯

燕子磯晚眺

金陵城闕枕江邊，萬里江流浪泊天。  
泛泛孤帆寒照落，濛濛遠嶂暮陰連。  
六朝粉黛餘春草，前代公侯有墓田。  
燕子飛來成讖語，風前懸弔自年年。

周

湘字瀛山一字自然海寧人著瀛山寄興集

過橫山訪得川師

路轉峯迴處，烟蘿響梵音。  
看雲奇似畫，聽水韻于琴。  
梅冷幽人意，竹虛老衲心。  
住山久有願，將辦買山金。

陳雲駿

字耳聲一字兩峯海寧人著有聿修堂稿硤山圖誌

題紫薇山西麓書齋

性與身安道所師，余今聊得托幽居。  
紙窗碎處花陰補，石磴欹時竹影支。  
自起烹茶宜靜課，閒來調瑟解愁思。  
每因夜讀



眠難醒日到高松三兩枝

沈維臺

字邦華一字蘭坡海寧諸生有吟香集

雨窗卽事次陸東溪韻

蓼國飛秋雨絲絲捲似麻小涼清客夢疎韻點檐花落葉聲  
偏急凝眸興轉賒閒愁何處滌活火且烹茶

沈樞元

字宜士會稽諸生著柯亭詩草

王宗炎曰沈翁家有園亭在春波橋畔放翁逢其故婦詩曾見鷺鴻照影來卽此地也少時鱸詠有和主人柯亭諸景詩

維揚懷古

沒沒垂絲薄薄陰樹猶如此我何任十年中道同憔悴一片  
斜陽自古今長笛短簫游子淚綠波紅雨美人心遺簪墮珥  
成荒迹鴻爪迷離豈易尋

王承鉞

字蓼叔一字星航蕭山人乾隆戊子舉人著有西爽軒詩草

楊秉初曰星航先生博覽羣書尤深經術遊其門者多所造就晚年耽吟咏其蛛網詩云露洗風吹不染塵如納自織豈因人凌虛間看飛蟲過笑殺春蠶兩裏身蜘蛛雖巧不如登腐爛陳言也舊案翻新可爲蜘蛛吐氣

見鳧亭詩話

註書

不爲窮愁始著書會聞經訓乃留畬百年三萬六千日呼我何妨是蠹魚

織布

月白霜凝未住聲寒機歷盡短長更却教牀下秋蟲聽空負當年促織名

徐崇奎

字吉光一字晴江西安人乾隆戊子舉人官揭陽知縣

陳傳經曰晴江官粵東撫字之餘不廢吟咏著有夢花書屋詩鈔今從其增蕪春帆孝廉訪得之

遊仙詩

瑤島璇房夜不扃一窗花月誦黃庭紅塵多少繁華夢唱罷  
天雞未肯醒

五色天雲爛漫浮長風吹度海門秋烟波三萬六千頃憑着  
琴高控鯉游

吳壽昌

字泰交一字蓉塘山陰人乾隆己丑進士官翰  
林院侍講著有虛白齋詩文集館閣詩賦稿

楊秉初曰侍講乾隆己卯舉於鄉後奏賦  
行在入薇省列詞館  
丙廷供奉歷數十年篇什盈箱率皆溫柔敦厚得風人之  
旨庚戌進

八句萬壽詩一百韻  
特褒文藻可觀嗣以養疾請假歸里主崇文叢山兩書院講  
席遠近之士  
翁然宗之

南昌阻風因登滕王閣

棟雲淦淦雨濛濛高倚危欄眼界空令節已過重九宴歸程

兩浙輜軒錄補遺

卷六

吳壽昌

天

尚滯片帆風江山千古形逾壯詞賦三王句盡工聞說東南  
美賓主未須檠戟避羣公

中秋夜直

碧瓦無霜桂有花一輪漸看滿東華中天夜色歸三殿清禁  
鐘聲落萬家頻對露盤思把盞獨臨星渚問乘槎誰知此地  
今宵夢飛度關山道路賒

嚴更署裏櫂聲多尚踏雲階對素娥北斗迴懸雙闕夜西風  
寒始洞庭波應知消息天邊近曾驗陰晴海畔過去歲今夕予在粵東  
回首生平轉蕭瑟又催金鑰聽鳴珂

湘水

湘水清如許涵空見底深江聲衡岳雨雲氣洞庭陰客去隨  
帆轉漁歸鼓柁吟前灣三十六蘭芷擷餘馨

簾鈞

湘紋欲捲影纖纖想見瓊鈞約翠簾一角遠山排闥外半弓  
初月到眉尖燕來燕去春無礙花雨花晴夜未厭莫爲勾留  
生客思輕塵不動暗香添

鶯峯寺

峯迴路轉洞門幽行傍寒溪曲曲流山徑有時穿翠嶂野禽  
無數叫鈞輈三天香氣僧初定半夜經聲月自秋擬向白雲  
深處宿浮生長爲此勾留

揚關晚泊

維揚渡口樵樓開萬舸千艘聚似雷爭倚春城綠岸宿不知  
明月照誰來碇風安穩吳孃唱衣露淒清越客杯一曲殘歌  
遙對酒畫橋廿四鎮徘徊

送族祖庭寶孝廉南旋

北闕南山志未堅，客舍乍暖又歸鞭。夢留燕市三春雨，人在吳江六月船。剩有青氈誇舊物，竟無畫戟繼當年。江東勳閥家聲在，話別重繙祖德篇。  
先大司馬瓊州公與孝廉之祖大司馬留村公並以勳業著於史乘每蒙見勗故及之

沈

晨

初名碧城字伊蘭一字元闢仁和人乾隆己丑進士官甘肅狄道州知州

錢林曰先生爲林受業師成進士後讀書不輟兩漢書尤精熟任甘肅武威縣時地產木棉民不知紡織先生設織坊製機杼百張給之于民募人教之自是武威之布有名沈公布者亦循良之一端也

落花

江渚官橋憶昔遊，柳陰依舊影紛留。乍驚時鳥鳴聲變，早惜年華逐水流。錦字書傳紅驛暮，梨雲夢斷綠蕪秋。苔痕齒齒春無迹，長笛聲中惹客愁。

映麗晨光滿院同穠華零落忽成空江潭紅豆傳新譜狂雨  
青衫賦斷蓬蝶夢已沈千里月鶻啼仍恨五更風落英賸有  
續紛影幾處亭臺古翠中

駒步鳥飛迅若何三三曉徑積來多春風春雨餘清怨桃葉  
桃根俯逝波天上碧雲方薄暮人間紅杜有殘柯不知千尺  
婆娑柱金粟年年傍絳河

韶景偏疑似早秋蕭蕭深鎖暮山愁沒烟羃歷斜陽渡略約  
橫斜綠水舟春樹懷人吟庾鮑綠苔生閣感應劉東風如夢  
繁華過榮悴無煩嘆聚漚

徐

煊

字崑銜一字灑餘錢塘人乾隆己丑進士由中書官御史改直隸廣平知府著有灑餘詩稿

余習曰灑餘太守早歲以文章名世乙酉以後始刻意吟咏其五言有歸鴻辭旅客黃葉落愁人雲色滄江晚松聲大谷秋輕烟生遠浦獨鳥下寒空皆逼近唐音卓然可誦

余自春正四月過富春度仙霞入閩以來不覺九閱月  
矣歲月如流風景頓易感而賦此聊以自嘲云爾

昔日渡江春雨急風高浪湧羣峯立平生意趣本蕭然不解  
身閒憂更集閩山峩峩閩水深我亦循環出與入乍瞰水窟  
臥蒼龍旋聽蕭蕭山鬼泣勞勞半載未曾休一夕驚寒秋露  
衰黃花催雨近重陽鴻雁南來啄殘粒丈夫慷慨恣遨遊歷  
險乘危豈於悒燈明月暗計歸程詩入金秋轉悲澀君不見  
季鷹鱸膾思江東倏爾呼童負書笈又不見固言踽踽獨行  
時曾憶征衣沾柳汁自顧年年嘆轉蓬殘書幾卷時攜拾歸  
歟歸歟在今茲鯉魚風起江天濕

陸有仁

字樂山一字靜巖仁和人乾  
隆己丑進士官陝西巡撫

初夏陪侍勒宜軒制府遊宴五泉汪稼門方伯以詩見



遺卽和其韻

龍湫灑灑派初分，冰縷千條綴綺紋。  
清譙叨陪庾都督，新詩先誦鮑參軍。  
山中晝景烘晴靄，天半鐘聲落暮雲。  
愧乏侯鯖堪適口，一樽颺館醉斜曛。

蔣泰來

字天蟄，一字寅，谷海鹽人。乾隆己丑進士，官吏部考功司主事。著寅谷詩鈔。

徐春田寅谷詩跋考功掌教當湖出示詩鈔抄得百餘首，皆戊子後近作，前此爲及門許汝封攜歸許君，及稿不獲見矣。

客懷

暝色淡疎林，山遙落日沈。  
無衣驚歲晚，爲客與年深。  
雲淨清鵬眼，霜寒老驥心。  
飄零身世感，行坐獨長吟。

客夜

浙浙西風夜蕭條，客子身薄寒。  
搜病骨殘，夢逼清晨念遠懷。

兩浙階軒錄補遺

卷六

蔣泰來

陳琴川

祝

振

三

諸弟長貧累老親聞鷄關百慮欹枕一傷神

陳琴川

字鯨川一字香蕪烏程人乾隆庚寅舉人官松陽教諭著有獨倚樓詩草

俞寶華曰鯨川恬澹有古人風詩宗盛唐

閉門

豈有煙霞癖柴門晝不開天寒清病氣秋老東詩才月下烏

三匝籬邊酒杯吳江明日路楓葉逐帆來

祝

振字萃伊一字雨亭乾隆庚寅舉人官大興知縣著有瑯樹山樵集

過鍾俊升山館

愛靜居山館春來遠樹齊茶煙飄竹院澗水繞花谿虛榻留  
僧語移牀聽鳥啼閒庭饒雅趣蕉葉儘堪題

顧一清

字撰亭一字耕澗海鹽人乾隆庚寅舉人官常山教諭著迴綠軒詩

俞寶華曰耕澗以孝廉爲冷官然能恤其姻姬詩亦清老

到家卽事

最愛幽棲境由來入市疎生涯三徑菊家具一車書瘦蝶穿籬急叢花裏露舒平生蓑笠願豈敢賦閒居

閔思誠

字中孚一字義亭烏程人巡撫鵝元次子乾隆辛卯進士官編修

沈世根曰太史天姿超邁早年受知於錢謙軒李郁齋兩先生余歸田後再至京師太史已入翰林余索觀其詩文氣韻清蒼風致蘊藉真令人作前賢畏後生想

過馬當

舟人惜風如惜金日行千里方稱心舟中度日如度年抱枕不語惟孤眠晚來忽報馬當路擊節鳴橈競飛渡推起篷窗看不足小姑一點煙鬟綠

吳震起

字省吾一字初恬石門人乾隆辛卯進士官吏部郎中

題扇頭秋柳

不憚輕紈障庾塵忽將搖落感蕭辰風流張緒無人問惆悵  
靈和往日春

題右松姪煙雨歸耕圖

好鳥當春催布穀一犁烏犢向東田及時膏雨如酥潤荷笠  
歸來洗足眠

汪師曾

字省三一字魯堂秀水人歲貢生官餘姚訓導  
著有鏡園未定稿魯堂詩稿宦隱怡情若干卷

余習曰魯堂善書工詩古文詞載嘉興府志文苑傳

廚下乏米索逋者雲集有故人復來告貸感而書此

凌冬乍抽帆瞥眼囊已罄物價騰歲闌緇塵飛滿甑廚下乏  
炊煙妻孥俱目瞪載券有田文雜踏填三徑百喙前致詞充  
耳置勿聽更有窮途子進門方坐定不願汲西江但求升斗  
贈主人長歎吁茫然無以應一卷書在牀數竿竹拂磴書竹

任盤桓留君共清興

唐雲書

字蒼霞一字滄南嘉善貢生著有竊剽草

嘉善縣志雲書事繼母四十餘年以孝聞周旋伯叔昆弟間以廉讓聞嚴謹自持臨財不苟嘗拾路金坐守其人至還之遠近重其品平生博綜經史兼通天官青囊等書

自述

頻年渾不識風沙只向閒中管物華  
藥草檢方施病叟菊苗依譜乞鄰家  
尋詩踏遍園三畝閉戶惟餘書五車  
遠志不爲爲小草飛揚跋扈任人誇

施

燾

字象面錢塘人乾隆辛卯舉人官天台訓導

春暮感興

重來舊燕話新愁作客愴懷莫上樓  
壯志未能酬驥足老成誰肯讓龍頭  
花供病眼春如夢酒入情腸熱更柔  
景物闌珊

已如此名心豪氣一時休

舒毓楓

字花農仁和人乾隆辛卯舉人官山西太原府同知著有梨花樓詩鈔

寄內

木蘭舟泛大江濱  
夜雨篷窗入夢頻  
寄語閨中休悵望  
歸期屈指月中旬

別時湖上蓮初放  
歸去樓頭雪欲明  
細數半年相憶苦  
短吟難寫別離情

孫麗京

字繼章錢塘人乾隆辛卯舉人官趙州知州著有慎旃小草

秋閨

碧梧庭院露初涵  
簾箔秋光透碧衫  
羅帶西風腰細細  
玉簫涼月手摻迴  
文織就拋紅淚  
紈扇吟成盞素緘  
短夢忽隨飛雁度  
葦花江上數征帆

朱超之

字子培一字鯨海又字筠岑海寧人乾隆辛卯舉人著有筠岑詩集

曝書堂

書癖何時已手藏復手曝時有清風來落花依卷軸還臥夕陽邊撫此便便腹

嚴步會

字誦芬一字述堂平湖人乾隆辛卯舉人著有經義考纂要學庸合編四書彙考靜得山房集楊秉初曰述堂性淳樸以考友聞嗜古經籍居家課讀專以經術訓人不多作韻語然取法必宗乎唐五七律尤膾炙人口

金華旅懷

一帶江聲繞郭流思家怕上仲宣樓雙魚尺素沈鴛水八月秋風滿婺州投紵空懷良友契登山遠繫老親愁故園此際尊鱸美斗酒歸須向婦謀

閔惇大

字閔中一字裕仲烏程人乾隆壬戌進士官編修

吳興詩話閔太史中丞從姪在館十年假歸主  
愛山書院卒無後集中咏冷布涼棚詩最佳

題戴瓶塘皇華集

科名三葉竝穿楊  
風月人推水部郎  
早向碧霄騰鳳彩  
新馳紅旆到蠻方  
玉簪秀擢層阿桂  
藤峽陰畱先世棠  
并入奚囊富清製  
星輶所至有輝光

閔思毅

字仁夫一字雅山烏程人乾隆癸巳欽賜舉人官內閣侍讀

程邦憲曰外舅雅山先生少稟異姿十二補弟子員以  
召試歷官內閣侍讀丁內艱過毀病膈而歿憲為先生壻贅  
居京邸見其與兄讀山太史唱和幾于日課一詩惜隨手散失所存僅什一而已

咏古

沛公初入關  
甘作富家叟  
逆耳陳忠言  
舞陽實居首  
善戰亦善謀  
黔彭非其偶  
異哉剖符封  
俯視同功狗

景江錦

字犀浦仁和人乾隆壬辰進士官廣東潮州知府著碌碌集



陳傳經曰犀浦太守以名進  
士歷官多惠政詩極清雅

稔山道中

高下途偏梗崎嶇僕已厭車聲沙石夏海氣水風兼村落全  
依樹居民半販鹽應憐步擔婦赤脚踏層尖

六篷竹枝詞

東湖荷花紅可憐妾心自愛藕絲纏歡來一見願如故不遞  
賓郎遞熟煙

香緘燕尾墨題鴉拜倩村師錦字斜燈草有心憑照取與君

菩薩結雙花

寄所歡書率置燈草其中  
潮人呼同心結爲菩薩花

行次石壁入江面境卽事有述

六年畱滯隔蓬萊揮手於今謝越臺斗北人方溯源去日南  
花擬壓衰來情懷儘戀桑三宿涕淚還悲菊兩開羸得踏舷

歌小海石頭路滑漫相猜

汪秉忠

字恕行一字葵齋秀水人著有葵齋詩稿

余習曰葵齋八歲能詩有神童之目其從父韓門編修探器重之

蘭江夜泊

入夜春江露氣平扁舟繫向候亭橫一帆得假長風便萬里  
何難破浪行灘水縈澗沖礁急漁燈隱約隔船明多情惟有  
山樓笛遠侑松醪細細傾

嚴國政

字文治蘭溪人乾隆甲午副貢候選教諭著燕游草

渡揚子江

水鏡江心浪拍空帶江船穩不驚風忽看水勢乘雲立吞吐  
金焦兩點中

陳

璘字昆玉一字谿齋海寧諸生著有松視齋詩文集

揚秉初曰谿齋先生受業於沈叔圖廉訪之門爲杏初  
白方望谿二先生再傳弟子於書無所不窺精於小學  
嘗欲爲說文解字作疏未竟命其子鱣續成之  
鱣字仲魚博雅多能與余同徵故能知其詳

殘菊二首

我盛物已衰我衰復何如秋風吹不盡落落良如余  
此身瘦復瘦冷香何處尋依稀隱者意髣髴歲寒心

寒夜菽林夫子招集黃裳魏舒卓少隱拙齋小飲有懷

衛宗分韻

端居樂長夜譚笑愜懷來文壇咸屬望良友共徘徊拈紙分  
險韻怡情酌金疊襟期堪自遣更無機事猜世味淡方古寸  
衷期良裁幸有宗匠在琢句叨相陪忽憶雲門客絳帳宵同  
開燈炮萬籟寂參挂西南隈

題嘯軒清溪放艇圖

此境何清絕空波兩岸明垂綸千浪寂縱葦一江平山遠疑  
無樹風疎乍起萍蒹葭人宛在讀畫發遙情

初夏沈吉甫招同李襄衡王培南劉錫貺張近午沈啟  
之遊城西趙尚書家小平遠時尚書裔孫芑繩亦在  
座

劇思槐夏步蘭皋別墅招攜興倍豪苔徑尚傳佳士迹

王西樵漁

洋會竹林雅許俗塵逃溪迴小院沈廊影峯繞危欄竝樹高  
過此爲語同人消永晝登臨懷古首頻搔

三鳳文孫已白頭

尚書裔孫芑繩年已七十餘矣

設深俯仰意含幽清風入

座酬佳句老樹披雲傍古樓境僻從來宜客醉日斜還似爲  
翁留一聲橫笛花間出指點飛鴉滿葑洲

夏仲沈樓招同浣亭復齋韻仙遊道士谷

發發忽如吼，霖霖布林藪。雨過天心碧，青山一翹首。峭壁插  
空明，深壑滌塵垢。苔古多蒼痕，松蔭酌斗酒。兀爾醉欲眠，相  
顧指樵叟。樂哉此境幽，尚與巢許友。我本愛游人，不覺周旋  
久。馬上門險句，口脫如囊有。揮毫落雲煙，驚歎筆如帚。春日  
幸追隨，細杏覆窗牖。茲乃續舊遊，良辰不可負。高雲共片心，  
相將復攜手。

關

洵

字滌川一字綽堂仁和歲貢生著有周易綴餘四卷

關氏行略云公多隱德長君樹棠登鄉薦賀者盈門公  
愀然曰發越太早忍非壽器未幾果卒人服其先見

夜宿龍井

雲樹雜秀飛，鳥還松門夜。靜風爲關隄，鼯呼嘯月罔罔。窅然  
巖谷增，孱顏羣峰斐。壘雁齒列遠，似擢玉紆煙。鬢我初顧盼，  
有佳意。竹色入戶苔斑斑，徑垣蔽翳綠蘿合。蒙茸欄藥不可

兩江轉車金不道  
刪夕蟲息喧巒氣密清露冷浥幽花殷暗泉細咽白石底落  
木紛墜秋雲間茅堂憩寂不能寐吹燈山鬼矜天頑精靈驅  
致百光怪爲我破此一掬慳商飈急起舞寒葉涼雨驟下鳴  
疎杉四簷傾注響交作澗谷噴玉聲潺湲寺鐘聲動萬籟寂  
我亦心靜神俱閒

嚴應霖

字雨蒼一字善亭龍游諸生著有信吹集詩稿

余習曰喜亭天性孝友篤于行誼書法蒼勁入古詩格清新俊逸逼近唐音

晚眺

晚風吹斜陽餘暉在林杪飛鳥數羣歸衝散隨煙杳倏作一天涼  
煩囂淨于掃落霞留照多新月揚輝早暮色似欲暝四望偏皎皎  
天意眷我遊延以供遠眺茫茫途路問勞人悵不

少

錢

選

字咸三一字一青餘姚諸生

倪紹岳曰一青先生少從先大父復野先生學詩一本性靈不事雕琢生平落拓不羈每出遊必攜帶詩囊時人比之李長吉遇佳山水輒徘徊忘返雖家無宿糧不顧也精堪輿又工繪事筆法變化不拘一體士林寶之

雪窗

寒欺客路斷人魂  
一色蒼茫萬里昏  
雪外更添風陣陣  
幾會吹得上朱門

春愁

燕語喃喃不可聞  
桃花如雨落紛紛  
春愁欲與春江比  
還道春江淺幾分

童應復

字來占一字石

郝龍游貢生  
余習曰石郝少偶儻性豪放中歲折節讀書足不履城市者十餘年諸子百家靡不究覽書法遒勁逼眞顏柳

感舊

垂髮先傾蓋求名共守株  
劒分投水去琴惜獨絃孤  
削聖難呈巧憂深孰砭愚  
笛聲偏感舊不忍過黃墟

徐育和

字靜初一字澱心嘉善監生著有友齋稿

嘉善縣志靜初性真率周卹藉厄未嘗責報晚猶嗜學手鈔書盈數尺所著心友齋稿人謂有雋蘇風味

過太湖作

少伯遺蹤何處探五湖名勝甲江南  
中天日月開明鏡瞬息風雲擁秀嵐  
能使後人誇鑄像只因從此便抽簪  
煙波一舸人千古笠澤浮家未許參

題獅子林壁

爲愛梅溪好聯鑣遠叩關養心一澗水  
習靜四圍山矮屋寒煙裏蒲牀空翠閒  
雨餘幽興愜坐此覺身閒

徐

燾

字熙天嘉善諸生著有夢花軒草



嘉興府志熙天從桑  
陵甫遊務根柢之學

野菊花

陶潛遺種在野外冷香流不寄東籬下同開九月秋荒畦誰  
送酒晚景獨登樓客意殊蕭瑟何妨插滿頭

對雪有懷

凍雲繞樹暮鴉棲白戰還能憶舊題少時有咏雪詩爲師所賞安得湖壩

陪杖履探梅一路到西溪

夏載華

字指西一字蓮峯湖州烏程人官四川安縣知縣

馮浩曰余與蓮峯訂交於都中嘗出詩藁相示其古體從韋柳入門後官蜀全槩散失存者甚少

輓田烈女

生長田氏門死守田氏堂猿啼鶴淚摧中腸生爲董家婦死  
歸董家郎蘭枯玉碎飛寒霜匣中釵釧屏不飾縞衣換却兒

時裝雲水迢遙一千里命盡絲繩七尺長生不能舉案學孟  
光願化比翼鳥天上同翱翔天蒼蒼海茫茫田烈女名芬芳  
長安道中喜逢董七芑堂遂次見贈原韻

別君已二年寸心如百結寤寐苦相思輾轉不能釋驅馬入  
國門相逢多貴客跨驄金玉裝被服錦文織每每相招呼避  
之恐不及顧我相思者杳然不可卽悵悵方欲歸驀然見道  
側相顧喜欲狂心驚恐錯識聯轡握手行就君主人室促膝  
話離思泉涌流不竭失聲或大叫羣兒皆咋舌如魚得春水  
如旱露膏澤悠悠心中思醇醪療枯渴余性苦拘泥落落寡  
投合立身須慎始相勵共阡陌久要不忘言惟君屈指一別  
久話彌長烟橫日已夕

朱鴻緒

字學闕一字省菴海鹽人乾隆乙未  
進士官台州教授著小滄洲詩集

俞寶華曰：醒菴課士有法，多所成就，引疾歸，黼啄自得，哲嗣春伯進士，容叔孝廉，名傾一時，家學然也。

### 蠶豆

最愛家鄉味，言懷京洛時。已知登並麥，應異落爲箕。筐筥遙成望，田園忽繫思。何當歌采菽，未惜歲華遲。

### 蕪菜

采蕪何處好，家近白雲灣。一櫺半年別，五湖千里心。絲長天共遠，波冷月初沉。不爲秋風起，相思極浦深。

### 汪如藻

字彥孫，一字鹿園，乾隆乙未進士，授編修，官山東糧儲道。

白雲紀聞：浮溪先生藻嘗守撫州，而編修兄如藻亦出知撫州，吏部尚書應辰原名洋，紹興五年進士，第一而修撰弟如洋亦以乾隆

四十五年進士第一。

汪嘉穀曰：先伯父遺詩兄弟行各藏之，叔子世禕出學語集，秋雨齋集二種，皆少時所作，錄之以見一斑。

下第後侍家大人歸里，多石叔有感賦二律，卽次原韻。

兩年失意兼貧病，旅况淒涼十倍加。形影相憐誰浩歎，風塵  
久駐易思家。棲身那覓數椽屋，放眼且看幾樹花。三伏高樓  
何以過湘簾，權耐暑風遮。

雨簾風顛記驛程，此心翻羨去帆輕。榮枯自昔關才命，冷熱  
由來本性情。回首雲山成獨感，到家骨肉喜重生。么荷髦柳  
尋常興，笑對芳池咏濯纓。

徐志鼎

字調元，一字春田，平湖人。乾隆乙未進士，官四川南溪知縣，著有吉雲堂集。

徐熊飛曰：春田以書法不工久困童子試，蔣考功泰來器之，攜與入都，應京兆試，及成進士，幸南溪，頗著循績。會大比，擬試簾官，春田構短篇以呈，而字畫欹斜，半溢出方格外，撫軍大怒，假他事劾之，遂落職，留蜀中十餘載。歸買李辰山放鵬亭居之，齋厨蕭然，或竟日不舉火，忍饑誦經，晏如也。詩格高雅，不趨曹好。

雨夜

秋氣不足悲我怨，秋來雨耿耿。孤枕寒悠悠，獨吟苦苔滑。起

野烟山深沉暮鼓點滴愁寒蛩聲聲到窗戶

京口曉發

曉烟閉長江輕舟破寒碧遙看漁火紅不辨蘆花白鄉思逐  
征帆一聲京口笛

新城

清光宜淺夏綠樹蔭籬根遠水白於練殘花明半村漁莊多  
曬網蠶市少開門憐我今飄泊孤舟欲斷魂

留別宋孝廉茗香

西湖湖水水連雲載酒狂歌醉又曛行到孤山忽分手落梅  
風裏又思君

王文灼

號石林蕭山廩生  
著有劔川詩集

濟南府城西張泗水漪園

兩浙翰軒錄遺補

卷六

王文灼 邱長表 汪 綏 潘 華 等

歷下亭邊初息轍郡城西去問桃源橋陰日午漁成隊石磴  
烟深竹有孫雲氣壓檐隨幔捲泉聲穿屋隔花喧塵纓未濯  
茶先熟喚取清風爲滌煩

邱民表

字子昂一字嵩山嘉興  
監生著有嵩山詩集

鬥酒

良辰貪速客把酒沁荷香縱飲沈紅友拚扶臥綠槍十千金  
易釀五斗誓難忘不醉容逃席喧然笑郭郎

汪

堦字方岳一字蘆汀嘉  
興監生著蘆汀集

孤山梅花

片片湖雲凍不流萬枝香雪正迎眸不知入破誰家笛吹得  
寒巖盡白頭

潘

華字靜懷一字寄湖海鹽諸生官雲南石  
屏州吏自有懷古偶存寄湖詩彙等集

留侯祠

子房昔亡命走匿下邳城處危能自全乃以成功名巍巍帝  
者師遺跡猶崢嶸荒祠古城側環以河流清我來一停車蕭  
蕭轅馬聲難求辟穀方空展陰符經惻惻慕前軌貧賤傷無  
成

楊引恬

字書箴一字栗園海寧諸  
生著有栗園詩藁四卷

海寧州志引恬性篤孝友耽經史工詩文爲前輩哲賢  
所推許年四十卽絕意進取課子姪以根本之學後進  
質以詩文者雖小疵必摘有古人風

楊秉初曰伯父栗園公詩藁四卷堂兄秉直客闈攜行  
篋中後兄卒於世父兩松公節署其藁遂佚余嘗從學  
於公猶能記其一二急登載焉

雨夜

獨臥不成寐寒燈映薄幃何堪人寂寞更聽雨霏微著五醒

兩折齋軒漱補遺

卷六

楊引

俞鈞

望

殘夢飄窗冷舊衣夜深風更烈可是有朝暉

臨平道中大雪

石橋橫跨曲塘斜店舍微茫認酒家好記臨平山下路一時

妝點萬枝花

俞

鈞

字性亭一字陶菴嘉興貢生官山西詩嵐州吏目著陶菴詩二十卷

俞寶華曰家陶菴性嗜山水與鄭誠齊宮贊朱竹君學士爲文字交前後借遊粵嶺皖江吟草甚富晚官山右摘抄二十二史歸田後八十餘歲手不釋卷

兒子汝虎以秋齋感懷詩郵寄卽用其韻示之

丈夫志四方每恨困株守掉臂一出門空囊笑何有長途歷  
三千譬如鹿銜走名場徒勞勞歎息秋風後回首復泣然堪  
此十圍柳所嗟壯心在忍令爲客久汝今安脫粟芹蓼雜薑  
韭詩書勉弱弟門戶憐老母種樹期三年滋蘭成一畝相思



還相慰秋月窺戶牖鴻飛寄遠音諒哉不我負

陸

韜字子容錢塘布衣

陳傅經曰子容居紫陽山麓刻苦讀書詩入欽定別裁中

白雲

白雲縷縷青山出雲自忙時山自閒惟有野人忙不了朝朝

洗硯寫雲山

徐師愈

字景韓一字謹菴德清人有虛月軒吟藁

湖州府志師愈幼繼伯政明爲嗣政明病且百藥罔效日爲甦吮數十次遂復明家貧謀產於弟特脩脯奉養孝友無間言

吳峯山晚眺

霞爽入吟望吹笳起暮烟孤城迴急瀨落日懸層巖一氣秋  
光澹千村樹影連上方鍾磬發隱隱隔林傳

倪廷煒

字昭遠號巖齋石門諸生

題東溪先生紀略

并引

嘉靖丙辰倭寇桐鄉沈東溪方共客圍棋無懼色爲  
設方略鎔鐵汁退之阮中丞手書全城退寇榭其廬  
後移閩督授東溪百戶銜不就乃出入幕內爲上客  
參閱竝奉節制其知遇亦隆矣獨是退倭首出奇計  
身不蒙上賞沒不光祀典而誌乘并缺其姓氏良可  
歎也因作詩紀之

肇窠大字榜高門回首塵封屋漏痕城旣克全應受賞祿偏  
不及復何言前籌祇笑勳名薄入幕奚勞節制尊綿上有田  
旌善類問誰誌過祀公魂

俞永升

字九叔寧監生

詠水仙花次潛山姪韻

生怕泥塗染玉肌，托根沙水稱仙妃。  
攜來未許塵生襪，美去還教香滿衣。  
性請只宜梅作伴，花穠不惜雨添肥。  
磁盆冷暖須加意，凍合重開自昔稀。

查

景

字望齋，海寧監生。著有棄餘詩草。

查揆傳略：先生客婺州，歲大飢，物郡守發常平倉以賑。讙聲雷動，皆呼父母先生，挈裝歸。行李蕭然，笑曰：東南飢民得所，吾一人貧亦足矣。

和嘉善陳燭門明府梅花菴詩韻

直將身世付禪家，一搶寒原送落霞。  
林下何心邀處士，生前有意證梅花。  
殘碑無氏增懷古，止水猶瀾好薦茶。  
菴自千秋人自邈，空梁歸燕樹棲霞。

過灘謠

灘聲怒上水挽強下離弩來船卽是去船回快意莫忘從艱  
苦

灘勢惡出險猶餘入險愕堅心把舵舵從心一線源流慎毋  
錯

程 元字南宮一字桂紅石  
門諸生著今雨軒詩

紅豆

占斷春光南國中細如赤玉碎玲瓏嬌兒臂約連環並少婦  
釵橫點綴同知有情懷消不盡却教詞曲補來工爲誰一滴  
相思淚添得明珠顆顆紅

計士增 字耕餘一字漁溪嘉興  
諸生著西湖勾留等集

汪淮曰士增少孤弟學樵爲浮屠往依蕭寺中授徒自  
給以所得付酒家醉則酣吟聲振隣壁禪侶苦之再三  
十許補學官弟子有戲與飲者雖僧樓倡園屠沽裝豐  
皆怡然荒之嗚呼自得日既莫頽然歸臥敗絮中如鷗

驚之棲輿輩人以為癡士增益自喜卒中酒死學樵爲  
治具殮之從弟聖清較之有生無口實貽朋友死有詩  
篇當子孫可  
以哀其過已

聞雁

枕上一聲雁淒清不可聞况當秋雨後落葉正紛紛避弋來  
何處衝蘆夜有羣遠書殊未到愁思入寒雲

潘尚仁

字安之一字似山烏程人歷官錦州知府著有蘇門山客分體詩鈔十二卷

余習曰蘇門山客詩沈歸愚翁霽堂序之美其溫雅芊麗

河堤卽目

蟻穴堪爲患綢繆迨早防花開酸棗密蔓引苦瓜長山色來  
中嶽河聲接大荒須知鴻鵠意斂翮佇高翔

畱別沈歸愚卽次贈行韻

星河挂角早秋天握手都亭悵別筵老馬何堪重立仗驚禽

兩浙輜軒錄補遺

卷六

潘尚仁 戚繼梅

望

九怯更聞茲聞聲暫做蘇門嘯下釣還尋笠澤船爲樂南村

素心侶不求閒置幼安田

曾有卜居木瀆與歸愚結隣之約

戚維梅

字巖築一字鴻雪秀水貢生著梧庭集

施嵩曰鴻雪性至孝以親老致授里居遠道來聘者多却之所著有尚書質疑二卷西湖遊覽志三卷

### 舞蛟石歌

名山奇石不可數肖象都出鬼神斧一拳突兀忽飛空落地  
幻作老蛟舞蛟爲形兮石爲質蛟有靈兮石乃活陸離鱗甲  
蒼以勁蜿蜒首尾蟠而屈我問此石由來舊劍躍豐城本有  
偶一朝却被夸娥徙清宛堂中獲其牡相傳有牝牡二石此其牡者清宛堂范長  
康藏石處滄桑改變春復春權門宦宅遷移頻何年昇入忠臣廟  
而乃始得眞主人石爲鎮璫樓去後歸項氏今在徐岡鄉祠天雷鼓雨鱗甲張尾  
忽掉兮首忽昂飛鳥過之不敢翔一櫛辟易干虎狼有時夜

半還出沒雙趺乃爲人所磔石於夜間常作老人舞人乃爲妖去其趾血流三日夜尋石跌  
亦爲人削去殷紅三日滴空階至今石罅猶凝赤我來觀此心生畏摩挲不覺低頭拜青天白日雲霧合騰空天矯果然怪古藤青青古字綠石腹有篆書舞蛟二字乃趙松雪筆石乎石乎何其福君不見洛陽園裏半成灰此日還留眞面目

徐有常

字祖彝上虞監生著謙齋詩存

### 魯仲連射書處

舌本瀾翻不易平胸藏武庫勝戈兵平原漫倚三千士昌國徒誇七十城直棄繁華如屣脫不敏寵辱使心驚猶嫌一箭功成後畢竟難逃海上名

金忠淳

字古還一字硯雲杭州人

### 題古今錢錄

壽昌曾作壽隆調又見思陵當五多先後史才原一轍不堪  
盡信奈書何遼道宗改元壽昌鑄有壽昌元寶錢而食貨志以爲壽隆前明崇正當五錢背有戶五工五監

五等字流傳甚多而食貨志以爲當五錢不及鑄而明亡

蔣

寅

字繼脩一字繼洲秀水諸生

俞寶華曰繼洲爲殘甫先生高弟以修祿詩得名余見之已白髮蕭然矣後二十年再訪則已化去糖存遺詩不禁  
憮然

荅俞雲莊

會記明湖詠翠嵐

客山右時與尊人同詠上已亦拈此韻

欣逢才子善清談

成艷體又傳八分得餘香辨別三從此西溪聯酒社還期南  
苑訪雲龜若將前輩相推許儒雅風流愧未諳

費

融

字草亭嘉興監生著紅蕉山館集

汪嘉穀曰從祖姑采芝山人以詩畫稱于時草堂其嗣子也少承母教得肆力於詩王西莊光祿盛稱之



泛碧浪湖

綠楊如薺水如蘿淡碧春山學黛螺  
柁後斜陽柁前雨落紅  
點點撲烟簑

秋日懷亡友沈石厓

知己已仙去淒然停玉琴涼風吹暑尾  
落葉攪秋心未忍信  
君死還將入夢尋  
泉臺亦相憶料定有哀音

吳宗元

字大始一字岱芝石門  
思貢生著南樓存稿

戴殿泗傳畧曰大始初嗜明詩在青邱空同之間嘗錄  
以正于濟息園先生評點竟謂曰詩甚佳百尺竿頭進  
步可乎自是更專志于杜陵中年後頗出遊登臨懷古  
一寓于詩晚自都門歸經卷葉灑藉以送老年六十九  
示微疾端  
坐而逝

觀龍井瀑布

但聞飛泉聲不見飛泉迹  
行行數里間寒聲動心魄  
稍轉碧

澗腰旋踏蒼巖脊，陡然鐵峽間湧出飛龍白。泉勢旣披猖，破  
角愈偃仄。一噴一束間，爭隘只纖隙。其上孺天松，其下橫溪  
石。泉方怒以張，石偏承以逆。泉石鬥始，應明珠滿空。擲飛猿  
乍驚跳，伏龍愁辟易。咄哉造化功，今古詫奇闢。老身肩髮蒼  
留我坐藤席，聊憇靜者心。忘言時岸幘，須臾夕陽紅。羣從理  
歸策，違山十里遙。餘寒尚巾烏。

成

曠

字蒼藜一字  
竹亭仁和人

春遊

春風駘蕩柳絲絲，映水桃花上下枝。草綠湖南心萬里，王孫  
何日是歸時。

孫關本

字立山  
湖州人

瀛洲試院留別同人

銷魂此日獨飄零，世事從教更一經。  
四海狹邪輕駭駟，十年珍重淬流星。  
春融寒水初生綠，雨洗山光未了青。  
吾道相期應有在，何須雙淚洒滄溟。

謝愼餘

字昱舒，一字蘇庵，海寧諸生，著《春星書屋稿》。

楊秉初曰：昱舒居斜橋，多市賈所集，而能以詩古文自命，可謂鶴立雞羣矣。時游西泠，讀書萬松嶺，尤爲齊息園先生所賞。

### 山中早行

風林月初落，闇闇羣星大。  
薄嵐沉遠山，空翠落溪外。  
遙聞松竹間，時或鳴天籟。

朱

珏，字景崖，一字瑜仲，桐鄉諸生，著《秋籟閣集》、《閩游集》。

汪嘉穀曰：瑜仲長於古樂府，沈歸愚尚書甚稱之。近體亦雅健，晚年兩游閩嶠，客死臺陽，歸骨幾沈于海，遇救得免。子伯虎，諸生，亦能詩而妖。

兩折舊年象補遺

卷六

謝愼餘 朱珏 鄭廷舉

巳

送孫月卿時余亦有閩中之行

囊空如許兼親老何苦艱難作遠游  
驛路風霜閨閣夢家園  
薪水旅人愁饑驅我欲行  
閩海話別君偏赴薊州  
南北分馳  
皆浪跡尊前無計縮離舟

思家

往返四千里遊游興已闌  
秋風歸棹遠暮雨客途寒  
身健遊  
天眷家貧賴母安  
還憐小兒女日日望征鞍

鄭廷臯

字玉倩一字疇占錢塘諸生  
著閒吟錄豫游漫草等集

落葉

落葉滿庭除秋風病欲蘇  
薄雲樓戶迥涼月到牕虛  
齟齬難  
茹物顛毛不耐梳  
人生忽覩此恹恹意何如

戴昌基

字紹求烏程人官  
廣西思恩府司獄

吳興詩話紹求余堂兄也少隨任四川未及試以劍授  
桂林司獄訓思恩年四十四卒在粵僅示四律歸來搜  
得遺草方知刻意  
爲詩跋以待刻

別感

桐花夕照愴離魂一葉扁舟出北門水驛雲開低燕影山房  
雨過闕苔痕空懷碧浪湖邊宅獨向黃茅瘴裏村江上何人  
吹折柳不堪鄉思笛中論

楊繼曾

原名夏稔字峽農號補梅海寧人浦縣知縣  
詠于候補兩淮鹽運司知事著有補梅剩稿

金德輿曰楊補梅爲以齋司馬曾孫自海寧移居構李  
與沈帶湖吏部交最厚予因帶湖得識君示予柳絮及  
解任南梁二詩筆意超雋耐入尋味三子長揚  
龍次惺次文蕪皆績學工詩會能昌其世業也

解任南梁歸舟自述

經年宦迹滯南梁盼到瓜期喜促裝余自去冬攝  
篆今纔一年爲酒求官

聊識味借花獻佛暫聞香黑頭應笑歸山忍白眼閒看煮海

兩浙輶軒錄補遺

卷六

楊繼曾 張廷柱 沈沛典

吳

忙多謝范公隄畔柳尚含烟雨拂輕航

張廷桂

字翊唐一字貯香秀水優貢生官江蘇桃源主簿

俞寶華曰貯香少以詩受知于陸根堂錢東麓諸先生尤工書法爲梁山舟侍講所稱許

平伊犁鏡歌

平伊犁乃在白狼之北青海西

皇威軼蕩遐荒隲昔何負險今來歸不血刃不遺鏃壺漿迎  
伊犁服洗兵魚海秣馬龍堆牙旗高捲轅門開策勛飲至  
皇師回雲干呂越裳至進白環奉白雉呼

萬歲歌

聖世

沈沛興

字屢豐一字稼圃秀水諸生者齋餘小草

天隨橋晚步

鴉閃殘陽雁警寒空林葉戰北風酸僧歸古渡月初上犢返  
平田雨未乾隔浦檣聲烟外聽隣村燈影樹中看高人往迹  
今餘幾橋畔猶存放鴨關

陶

韓字荆州秀水諸生  
著雙梧主人集

吁嗟篇

吾家扈蹕從南渡簪纓奕葉殊寒素金橋分派徙聞溪堂構

恢宏期永固

十六世將仕郎從宋高宗南渡  
居金橋四傳至菊隱公遷聞溪

門容車馬列狡

猊楣飾丹青集鷓鷯名葩佳樹植扶踈畫檻文牕勢廻互斯

時敬翁官中朝繡豸雍容驄馬騎廷爭大禮同拜杖縉紳動

色瞻風標

世宗時欲上與獻王尊號敬  
齋公上疏爭之廷杖一百

見湖簪筆復侃侃力

論姦黨驚羣寮

見湖公劾仇鸞并及嚴  
嵩嵩怒公因致仕歸里

拂衣歸里聲望重平

泉綠野聊逍遙無端倭寇來海國陰雲晝晦日光蝕吹螺揮

扇憑驅馳哭聲動地走避賊和樂庭前堆瓦礫隆慶堂燬長  
荆棘畫棟雕題不復存曲廊幽閣有誰識所幸督師張公經  
遣將隸兵如雷霆柘林二萬倭夜至一朝殄滅流血腥遺民  
樂業仍安堵姜母心傷涕暗零拮据不惜重創建一一完好  
遵前型兵火後七世祖母姜恭人重構之爾後相傳甫四世逆璫構禍中丞

逮羣凶鍛鍊誣坐賊舍沙鬼域宸聰蔽嚴刑三日一比較圍

墻深錮忠魂繁曾祖中丞公巡撫登萊逆璫忠賢求賂不遂効公妄費金錢誣賊四十八萬卒于獄傾

貲破產不足償有司抄蔓及門第婦女流離僮僕亡平民逼

佃登我堂機聲軋軋鳴北牖炊烟冉冉迷東廂藥闌狼藉委

朝露薇架欹側啼寒螿孝廉目擊徒悲慘坐令閭閻淪滄桑

從此奔馳無虛日幾度春鷓復秋蟀呼籲不憚叩九閭昌言

幸賴韓與畢烈皇深燭覆盆寃給還產業蒙優卹孝廉原眉公屢上書



叩關蒲州韓相國白陽華大司農  
爲中丞公訟冤因得免罪復產農桑重理守田園牖戶旋

脩安家室退菴自後屏公車混迹閭巷同樵漁春燕飛飛同

入幕雙梧鬱鬱交臨除石壁數尋森竹樹牙籤萬軸羅圖書

會言世澤苦相守祇願家聲繼厥初吾翁雅負瑚璉器槐黃

屢踏秋闈試文章卓犖擬掄元誰料雲霄復垂翅

先君亞菴公已酉己

擬元因坐毀字號抑置副榜青衫憔悴偃衡廬仰瞻棖桷愁顛墜爰偕季

父亟經營綸奐依然樂蔭庇桑土綢繆不十年狂飈怒吼九

秋天飛沙拔木徹昏旦牆傾屋漏人難前阿翁悒鬱旋捐館

熒熒孤苦相遷延還期後嗣克負荷掃除荒穢新楹枿那知

五世澤欲斬誰念祖德思無忝上雨傷風日就頽垣墉剝落

金沙黯脩蛇蜿蜒伏疏寮饑飈窸窣潛敗濫大厦將傾不可

支棟析榱崩良足感兒童婦女紛後先手攜肩負聲喧闐雕

兩折翰軒綠浦貴

卷六 胡學子

至

鏤礎礪鬻富室榎楠梁棟充廚煙百載清門今若是神恫鬼  
怒人爭憐吾生見此淚盈弔述祖爲賦吁嗟篇

胡學于

字西侯一字竹邨石門諸生著言志錄

長白玉蘆碕以詩見貽五閱歲矣會友人北遊長句報  
之

玉郎才氣無敵手推倒豪傑跨儕偶但覺筆下生風雷一曲  
高歌橫九有十年形影聚燕關至今梁月思君顏思君不見  
展君句如坐西山積翠間愧我顛毛老將至無計拚除心上  
累蓬頭緼絮看諸兒向禽之心何時遂去秋一病五經旬啟  
牕自鏡無人形今來又遇歲大歉室中空乏如罄瓶父死未  
歸三尺土白楊霜露溼江浦中堂老母壽古稀青燈白髮支  
門戶離城百里愁家中年去年來隨轉蓬故人入夢匆匆別

覺來日透紗櫺紅

聞吳雪堂南回却寄

聞君不得志花落出都城策馬過山邑盟鷗問水程詩成殘  
篋在金盡旅囊輕計日重攜手南郊訂耦耕

鍾

洪字右常一字南溪石門  
諸生著有南溪剩草

聞高樹新有補登高之舉作此寄之

見說重陽罷登臨興倍豪豆觴皆宿辦風雨不辭勞石滑溼  
寒翠松高喧怒濤夜遊還刻燭佳會屬吾曹

朱言然

字敬臨一字簡  
亭海寧諸生

揚秉初日簡亭先生爲徽國文公後南宋時遷鹽官家  
舉茂才者十三世性和易無疾聲遠色故發爲詩歌得  
溫柔敦厚之旨

晚登尖山

兩浙翰軒錄補遺

卷六

江餘城

朱言然

譚學藝

五

不負登臨興山遊向夕曛波光山海合天勢越吳分浪靜鷗相狎霞明鷺作羣登高忽惆悵西北有浮雲

譚學藝

字興亭石門人著怡亭詩鈔

沈啟震序略怡亭詩規行矩步中實具渾灑流轉之觀昌黎所稱妥帖排界者歟

雪意

癡雲欲雪半垂簷僵木無聲氣轉嚴江上應添漁父艇橋邊微露酒家帘饑鴉點點深投樹畫閣家家晝下簾四望遙天同一色依稀水墨潑輕縑

江

城字峙金一字築樓歸安廩生著有篔簹樓小草

茗雪行

茗水清且深春來碧於玉更兼雪水東西流新漲鄰鄰鴨頭綠四月五月南風來陂塘處處荷花開吳儂盪槳出城郭欸

乃歌聲載月回沿堤綠樹平於屋近水人家倚修竹垂楊影  
裏挂漁罾一棹溪灣曲復曲紅蓼西風照眼明布帆人似鏡  
中行鳳凰橋外秋水綠瑪瑙坡頭宿雨晴浮家泛宅烟波客  
倚遍山南更山北碧落湖光拂面寒披裘獨對空潭雪

戈

律

字伯林平湖諸  
生著汲古堂詩

朱爲弼曰伯林少穎慧一戰冠軍于諸子百家  
靡不精究晚年杜門課子若孫有古高士風

飲馬長城窟行

鹿鳴戀儔匹鴻飛哀孤羈遊子去不返棄妾長渴饑念君如  
昨日園花三見枝不惜年歲晏但苦顏色移闕月有時滿嚴  
霜有時稀黃沙蔽千里思君歸何期君畱妾獨苦妾悲君未

知

葛慶曾

字芝庭山陰人官雲州知州  
著有小浣花集萬里游草

野馬川

不知山峻極翻覺白雲低樹密天難曉人稀路易迷谷風含  
虎嘯林雨溼猿啼咫尺青霄近從誰借一梯

孫

文

字天章一字介湖山  
陰人著介湖詩鈔

揚秉初日介湖隱居不仕詩篇極富  
孫廣文度其宗人也出以見示存之

積雪

雪霽光華滿層陰春不回竹籬斜壓盡茅屋半爭開千水共  
明月一山待落梅寒威驢背冷詩句莫相催

沈仁昌

字體原嘉興  
人候選同知

錢載墓志略曰仁昌天性純摯築環碧草堂奉二親游  
慈客至觴詠相承或放筆作山水及翎毛花卉皆臻妙  
品丙子歲禊出  
粟四百斛以賑

自題畫幅

秋山雨乍歇雲氣半空走暝色忽然開夕陽在高柳

隔岸山光展黛眉一江新水漲玻璃兩三人歇夕陽裏畫出

溫歧待渡詩

李玉如

字能白錢塘廬生著  
有抱琴草堂詩集

抱山堂詩話能白少學詩于王茨楨  
先生體格清遠後遊山右詩益雄放

早發樂城

晨裝發樂城月影在馬首疎星漸沈河行雲半銜斗鈴馱時  
一聲不辨前與後曙色久始分蒼茫見林阜清霜曉來重微  
白上衰柳回首臥龍岡冒寒更前走

夏初過枯樹灣訪何隱君東浦畱飲小山居賦贈

綠陰深處啟柴扉畱客齋頭筍蕨肥不斷雨從槐夏密無多  
花入麥秋稀百年舊里存茅屋一代高才見布衣他日河灣

兩浙輜軒錄補遺

卷六

李玉如 張柯

畫

如卜築與君邀約坐漁磯

張

柯

字晉樵一字東谷海鹽人官杭州府訓導著摠雲樓詩稿

汪嘉穀曰張氏爲浙西望族其先螺浮先生以給諫起家城南烏夜村有涉園其別業也學博與朱笠亭陸太冲輩日據梧坐嘯其中圖書彝鼎望而知爲故家物又善書有持絹素請者欣然應之詩懶不收拾茲搜其遺之稿存

登閣

四圍桑柘綠陰叢傑閣登臨氣象雄  
遶閣山川屏障外全家烟火畫圖中  
西來爽氣浮城闕北望層樓接梵宮  
最喜烏程酒市近攜觴高詠坐春風

題畫菜

浚抹濃添次第  
芟不須辛苦費  
長鑷先生梁肉知無分  
飽看霜葵也解饒



楊煥緯

字治馨一字雲浦海寧歲貢生候選訓導著有雲浦詩鈔

揚揚龍曰伯父雲浦先生讀書勵行博覽典籍尤工古文詞沉浸于漢唐宋諸家之作長洲沈文憲公歎爲擺脫羈束暢所欲言爲作序以行世詩其餘事

全紹興謁陽明念臺二先生詞

十七上封事尚書心亦驚

公年十七應詔言事其父尚書王華見之爲之驚駭直詞逢

閣怒謫宦顯忠名心學靜中得奇功危後成斯人千載傑未

許腐儒輕

右咏陽明

東南畱絕學端賴蔽山賢人譜培蒙養臺章正主愆一身關

社稷殘緒劃儒禪堪與陽明子悠悠百世傳

右咏念臺

陳

湜

字師鄭一字石泉錢塘諸生著石悟山房遺草

抱山堂詩話石泉髻齡卽能詩稍長手書山谷詩一卷奉爲圭臬間入郊島門戶吟思甚苦及得句頗饒幽趣

秋晚偕青湖及文水清波兩弟遊棲霞嶺諸蘭若兼訪

仇山村墓

取徑何紆折樓霞地最幽此閒多靜室相訪及殘秋楓葉丹  
黃路鐘聲遠近樓山村埋骨處片碣杳難求

支世淳

字懷文一字雲門嘉善人刊有杏北詩鈔

嘉善縣志世淳性耽吟咏於晚年著述頗多今所刻杏北詩鈔十分之三焉

魏塘權歌

郎住汾湖蟹籩旁妾乘練蕩採菱航  
清秋蟹老菱香膩荻火烹來一處嘗

斜塘竹枝詞

前依小市後依鄉塘上春風遞野香  
閒立阿婆山上望紫荷  
花閒菜花黃

陸

烜

字子章一字梅谷又號巢雲子平湖人著有梅谷集

徐熊飛曰先生弱冠受知於諸城竇少宰後棄諸生隱居胥山邱爲里作巢雲子傳見志與秀水張徵君庚嘉善曹徵君廷棟養高勵學鄙人目爲三隱沈文恪公主敷文講席撫軍屬其采錄遺書乃引先生爲助校勘極精詩得柴桑柯川遺韻文出入昌黎南豐閒詩餘兼宗南北宋幼工音律手製側簡二器按樂者多受其傳晚歲喜作畫超潔一如其詩

### 梅谷早春

谷口偶行藥春禽無數聲石田初足雨凍土已新耕泱泱泉爭落離離草亂生却憐遠山色一碧到柴荆

### 江村臨眺

閒竹尋花不計還江村臨眺水潺湲無多春色隨人老有意天公許我閒雲影盡邊看白鳥柳陰缺處見青山蒼波更與斜陽遠數點飛帆杳靄閒

倪文楷

字起韓一字石齋桐鄉貢生著有排悶集

兩折曹子象甫註卷六倪文楷汪鋌補震世

施嵩曰石齋讀書過目成誦年十二  
補學官弟子性至孝母沒有饋禮吟

### 訪九華山

秋來偶浪游片帆出江口破浪學乘風平生嗟未有二氣關  
靈山攬勝借勝友訪道余何能佞佛吾亦否峰影蘸雙溪聊  
復滌塵垢螺髻如玉女遙望嫣然九

汪

錕

字鏡山號映波仁和籍桐鄉人候補縣丞著蘭陔吟稿

汪氏世譜錕所居有賜書樓爲先世藏書之藪作檢書志或勸之仕笑曰吾寧以菽水易五斗米哉既終養始裹糧北遊

### 秋曉聞鐘

擁被頓嫌薄霜華曉正濃秋聲沉衆籟曙色動寒鐘風送落  
何處雲停破幾重夢緣吾已短臥聽豁塵封

褚震世

字發峰嘉興諸生

汪嘉穀曰稜峯善詩老而  
彌篤年七十餘以貧死

### 食蟹

生長水雲鄉鮮食厭腥臊  
魴鱖暨鯉鯉隨時供貪饕  
惟茲蟹黃腴秋深始疑膏  
橫行老益壯無腸晚更豪  
時當香稻熟咸股動爬搔  
漁人設斷取篝燈引厥曹  
嚮明而躁進往往網罟遭  
羅致來席上佐酒浮葡萄  
既欣充八足更喜豐雙螯  
椒馨偕薑辣調和勝煎熬  
吾老衰已甚飮嚼齒屈撓  
奮椎擊以食勝似魚羊羔  
騷壇漫投趾拈題難逋逃  
翻受郭索縛欲脫忙揮毫

張師範

字司諫一字蒿村桐鄉歲貢生著有嵩邨詩抄

### 西湖雜咏 存一

晴摹小李泥金畫雨仿南宮潑墨圖  
我愛雨奇晴好外不晴

不雨看西湖

朱

穎字升菽號香稻秀水人

感芸生曰香稻先生爲芸少時受業師工書法年未冠能作壁窠大字詩則雄博深厚雖時有豪放不羈之作法律無不入細者必傳于世無疑也

自題半截頭陀小照

老爛頭陀眞面目更無雙脚走天涯空門諒亦難容汝瘦老

無家羨出家

何

瑋字圓凝一字冬嶺錢塘人官湖州府學訓導有冬嶺吟艸

施嵩曰冬嶺性豪放以詩酒自娛兼善蘭竹娟秀可愛

獨游平山堂

紅橋修禊事全非烟水蒼茫碧四圍客裏不知春已暮楊花如雪撲征衣

汪

鎬字華成一字春泉桐鄉歲貢生

南野堂筆記肇成官參軍貧不能置輿從爲人長身而  
聳好道茹素精岐黃術時救活人人呼聳菩薩作詩不  
起草有自然之樂罷官來禾中示句云拖他白  
髮神仙吏還我青鞋山水身逾年無疾而逝

玉山逆旅題壁

客舍築江洲開牕一榻浮塔孤叢佛火江濶隱沙鷗山勢隨  
人至灘聲入夢流今宵眞異地吟眺不勝愁

汪

鐻字燦如一字橘洲桐鄉諸生

官廣東濠裏巡檢有餅庵草  
汪嘉穀曰橘洲叔祖初任江西之吳城服闕再補濠裏  
前後幾三十年忍恥下僚嘯歌自得既去官骨肉離散  
幾難自存然未嘗  
不以詩酒自娛也

舟泊老鸛嘴至印齋庵

小市牽秋纜禪林曲徑通竹圍三面月松引一庭風菊蕊方  
叢紫蓮房已墜紅登高佳節近延佇意無窮

陳聖傳

字授一

字薪安

山陰人官臺灣丞林爽文

恩賜祭葬給雲騎尉世職

韓城王杰撰墓志云林逆煽禍公奉檄防守六門賊大至公所部僅義兵莊兵三百餘人奮勇爭先以當百公飛騎直前賊衆爲辟易圍遂解明年春賊復率衆數千來公集義兵不及百人分左右翼賊至公麾兩翼夾攻死傷殆盡公入賊營大呼曰我縣丞陳某也汝不早自投天兵至卽日撲滅矣賊前戕公公大罵未絕身中數刃墜馬頭已斷猶鐵立遂死于溝仔背莊時乾隆五十二年正月二十一日也

俞寶華日薪菴丈爲雪樵嗣父雪樵每談及丈死事狀輒流涕且繪望雲圖以誌感雪樵才極高刊有壽雪山房詩以蔭補西階官海上五年軍政外輒招余輩品詩讀畫鶴咏竟日不愧儒將風流云

自題禪那苦行圖

者漢分明一行脚宴坐青莎守寂寞寫出禪那行脚圖莫漫和光喚行樂緊抱繩頭拽鼻超不是飯牛歌落魄執持審量木樵輪注目澄心存日落禽樂和鳴鳴演音行樹重重隱樓閣欄楯橫豎匝清池優鉢曇華交輝蓴魚水蘭畦與桂叢歷



劫牽纏一絡索笑送須摩安養鄉絕勝辭家愛根縛共坐大  
光明藏中事如夢幻亦不惡不信矯首面西觀芬陀利胎艷  
灼灼

董啟延

字雲溪一字秋樹烏程貢生歷官福建臺灣同知著秋樹詩草

馮集梧序略曰余外舅秋樹先生清才藻思吟咏甚富臺灣林逆之亂身殲家破所存詩亦燼餘而已

聞雁

遙天一聲寒獨夜驚愁客瀟湘秋水深月淡蘆花白

中秋

乘槎何處覓麟洲却向塵寰汗漫遊萬里江湖銷短髮一天  
風露作中秋不堪重撫桓溫樹底事空思庾亮樓簫管未吹  
雲自散廣寒深處桂花幽

王文選

字儀可一字青軒桐鄉人刑部司獄著清軒詩稿

陳傳經曰司禁乃給諫應綏子詞藻翩翩克傳家學中歲足跡半天下所著詩文甚富惜懶不收拾耳

漂母祠

漂母祠前水接空風塵何處識英雄千金一飯渾閒事多少  
王孫泣路窮

下邳道中

渺渺長堤水接天夕陽明滅有無間望中絕少煙巒影一抹  
橫雲當遠山

盧

翰字柳村  
鄞縣人

山樓

春光探不盡更在此山樓竹榻數閒綠梅牆一帶低客迂花  
欲笑僧寂鳥頻啼杯酒顏微醉清吟向小溪

張桓侯廟

村近樓桑古涿州鐵矛氣獨壯千秋祠中侯所用矛尚在我來更灑英

雄涕快事誰爲撻督郵

談

潮字考樂仁和人

蔣炯日考樂教授於吾鄉之方山遂卜居焉樂貧味道事母以孝聞歿後門人送柩歸殯有白光起柩前移時不散

三月九日同朱清渠賞牡丹席間偶成

竟夕吟哦不肯休十分佳興羨君優名花旣放不盡放旨酒  
已筓猶未筓珠玉一堂風雅士圖書滿座水雲儔來朝別去  
情猶戀攜爾天香上小舟

李

裕字其昌一字房山鄞監生著原上草

日湖感秋雜興

雲薄風疎水滿洲城南天氣早清秋珠簾只隔荷花水定有

微寒在畫樓

潘兆新

字莊圃錢塘舉人著  
有見滄山房詩稿

華日南曰莊圃周遊詩能狀山川土  
物情狀周穆門先生作序極推許之

過諸灘二首

天生八閩川以石作門戶  
奔流兩激射終古長鬱怒  
跳珠素彩裂飛雪寒光聚  
颯颯吹枯葉潏潏響急雨  
征魂時震掉短篷豐其蔀  
犬牙噪相向星碁粲莫數  
投跡失分毫一擲不及補  
欲呼夸娥氏賈勇施斤斧  
平漪被兩漿符籙逸無取  
此志竟何成山椒雲細吐

建瓴下平水灘名難悉究  
傑特瑰詭觀欲視已疾首  
萬石廉鏘殊齒齒花萼富  
頰洞龍孔深蝮蝘蛇足什  
大小七里灘連綿水驚門  
牛角宛彎環鳴卵若懸溜  
大螺出澀縮小螺伏幽

繆將軍氣雄視鼠輩竊迅走火燒干劫灰堆阜餘炷炙略疏  
厥渠魁舌撝不能讀操舟洵有神屈曲赴奔奏望望行可卽  
遲遲勢難驟蟻穿九曲珠線補五紋繡努力慎經營習坎得  
危繇性命寄舟師遠行法宜瘦三復垂堂言冥冥神所佑

周茂樞

字賢美諸暨監生著有思霞草

陳傳經曰蔡東軒丈謂其同里賢美先生至性純篤親歿廬墓者六年鄉里感慕公額建坊以榮之

勅旌

孝子故其詩可傳

自終制後每晨必往謁墓雖垂老未嘗一日間也壬寅  
秋抱病已四月回念神傷爰成一絕

垂老已知來日短抱病更覺去時長倘然一別成千古宰樹  
何由見北邙

王大經

字芸譜號柳衣仁和人乾隆庚子舉人著蝶窗偶存

兩浙翰軒錄補遺

卷六 周茂樞 王大經

七

擬白香山花樓望雪

層樓一望白皚皚積雪千峰返照迴霽色耀人銀作界寒輝  
射日玉爲臺迷漫柳絮穿簾入歷亂瓊花撲戶開對景吟哦  
狂點筆臨風徒倚笑傳盃無邊清影浮空谷不盡煙光護翠  
堆絕似蓬壺凝晷朗依然瑤島任徘徊月明遠浦藏孤鶴雲  
擁疎籬失早梅欲溯遺芳從九老香山高會願頻來